



ოველკვირეული საზოგადოებრივი, სამეცნიერო და სალიტ. გაზეთი

№ 7

6 ივლისი 1908 წ.

ფასი 10 კ.

შინაარსი: საპარლამენტო სესიის შეწყვეტის გამო. — ნაცია ისტორიის ბაზაზე, **ონ—ისა.** — სხვა-და-სხვა ამბები ჩვენში და რუსეთში. — ცოტა რამ საზღვარ-გარეთის სამღვდელმთავრებზე (წერილი ვენიდან), **მ. მგალობლიშვილის.** — გაუპატიურებული (ლექი), **დ. თურდოსპირელისა.** — ჟურნალ-გაზეთებიდან. — პროვინცია. — ცოტა რამ ქართულ მხატვრულ ლიტერატურაზე, **ლავ. მებრეველის.** მასწავლებელი (მოთხ.), **ს. პართენაშვილისა.** — მუშათა მოძრაობა. — საზღვარ-გარეთ. — მანცხადება.

საპარლამენტო სესიის შეწყვეტის გამო.

სახელმწიფო დუმას, 28 ივნისის სხდომაზე, თავმჯდომარის ამხ. თ.-დ. ვოლკონსკიმ წაუკითხა უმაღლესი უქაზი, რომლითაც დუმის მოქმედება შეწყვეტილია 29 ივნისიდან ამა წლის 15 ოქტომბრამდე. უქაზის პირველ სიტყვის გაგონებაზევე ყველა დეპუტატი ფეხზე წამოდგნ—სოც.-დემოკრატიული ფრაქცია ამ ცერემონიას არ დასწრებია. წაკითხვის დასრულებისთანავე მთელმა კრებამ დასცხა „ურა!“ შემდეგ გამოვიდნ მთელი დარბაზი და როგორც შეჭფერის წმინდა რუსეთს, უფლისა მიმართ სამადლობელი პარაკლისი გადაიხადეს.

ასე დასრულდა რუსეთის მესამე პარლამენტის I სესია. ამ ხელთ დეპუტატები აღარ გაურეკნიათ, აღარც ტავრიდის სასახლეს შემორტყმია ჯარი. დეპუტატები კანონიერად დაიშალნენ, დუმის მოქმედება შეწყდა კონსტიტუციონურათ. არა მარტო დუმის ცენტრი და მემარ. ჯგუფი, არამედ ზოგიერთი ჩვენებური მცონარა პროგრესისტებიც ამ „ბედნიერ“ გარემოებას უმაღლიან თვით მესამე დუმის პოლიტიკურ ტაქტსა და გამჭრიახობას. ეს აგრეც იქნება, თუკი პოლიტიკურ ტაქტსა და გამჭრიახობას ვუწოდებთ პოლიტიკურ უმოქმედობას, ანუ უთაბოლო ლაყობასა თუ ბალი-აღობას.

მარა ერთი შეხედვით, მესამე სახ. დუმის მუშაობა დიდად ნაყოფიერათაც კი გვეჩვენება. ასე მაგ. დუმის კანცელარიისაგან გაკეთებულ სტატისტიკურ ცნობებიდან ვხედავთ, რომ დუმის კომისიებს განუხილავთ უკვე 143 კანონ-პროექტი, — განსახილველი დარჩენია კიდევ სამასამდე კანონ-პროექტი — თვითონ დუმას, საერთო კრებებზე, განუხილავს 142 კანონ-პროექტი; აქედან უარუყვიათ მხოლოდ ხუთი, დანარჩენები მიუღიათ და გადაუციათ სახ. საბჭოსათვის; 90-ს პირსებია უმაღლესი დადასტურება და მისცემია საკანონმდებლო სანქცია. გარდა ამისა, დუმას განუხილავს 32 „სმეტა“ ხარჯთაღრიცხვისა.

ასეთია ციფრები დუმის მოქმედების; მარა საკითხავია, ამ ციფრებში ნამდვილათ რა არის აღნიშნული, ე. ი. როგორია ამ საკანონმდებლო აქტების პოლიტიკური ღირებულება. ჩვენ ვიცით, რომ დუმა ძალიან ბევრ დროს ანდომებდა ისეთ კანონ-პროექტებს, როგორც პეტერბურგის აღდგომის თუ მაღლების ეკლესიის მნათის არჩევნების შესახებ, რომელთაც სკოლასთან სამკედლოს დაარსება ანუ საკამეჩო გადასახადი და სხ. ამგვარი საკითხების კანონ-პროექტები. სახ. დუმას არ მიუღია არც ერთი ისეთი კანონ-პროექტი, რომელსაც რაიმე თვალსაჩინო ცვლილება შეჰქონდეს ქვეყნის მოშლილ მართვა-

გამგეობაში და ან ანგარიშს უწევდეს ხალხის მიუცილებელ, მწვავე საჭიროებათ. ასე რომ თუ ავიღებთ ამ სესიაში დუმის მოქმედების დადებით მხარეს, იმის ნაყოფიან ხელში დაგვრჩება არაარაობა. მარა ამ მოქმედებას აქვს, რასაკვირველია, მეორე მხარეც.

დუმაში—მემარჯვენეთა სავარძლებზე—მართალია, საკმაო ადგილი ჰქონდა დათმობილი უთავბოლო ბაასს. შავები, „ქეშმარატი რუსები“ არ იშლიდნენ თავის უწმაწურობას, არ თაქლობდნენ კლოუნურ და ბაზახანურ მალაყებს; თვით ოქტომბრისტიები ყოველთვის მზათ იყვნენ „პატრიოტულ“ „რეჩებისათვის“, მათ მეტათ გაივარჯიშეს ბალი-აღობა, ზოგჯერ არ ერიდებოდნენ თვით შავ-რაზმელებთან დამოყვრებასაც და ყოველ შემთხვევაში მათთან ერთად კეთილ-მეზობლურ განწყობილებას არა სწყვეტავდნენ. მიუხედავად ყველა ამისა, მესამე სახელმწიფო დუმის მაინც ჰქონდა თავისი „ისტორიული დღეები“ და სენსაციონური სხდომები. დუმის ამოქმედების პირველ ხანებში განსაკუთრებით საყურადღებოა მაგ. ის სხდომები, როცა სეფე-სიტყვის საპასუხო ადრესიდან დუმამ ამოაგდო „თვით-მპყრობელობა“, რამაც ნათელაჰყო, რომ ძველ რეჟიმს აღარა ჰყავს საკმაო დამცველები თვით უმაღლეს ბატონების ბანაკში. სესიის უკანასკნელ ხანებში დიდათ საყურადღებო დებატები გამოიწვია შინაგან საქმეთა სამინისტროს სმეტის განხილვამ, აგრეთვე საზღვაო სამინისტროსა და სამხედრო სამინისტროს სმეტების განხილვამ, ამჟღის რკინის-გზის საკითხმა და სხ.

ყველა ამ დებატებმა ნათლათ გამოაშკარავეს თუ ვისა ჰქონია ჩაბარებული 150 მილიონი ხალხის ბედ-იღბალი. თვით ფართე მასისთვის გასაგები ხდებოდა თუ ვინ და რა წეს-წყობილებამ მიიყვანა რუსეთი დალუპვის პირამდე და ვინ თუ რამ დაატეხა ხალხს ამოდენა ტანჯვა-მწუხარება შინ და გარეთ...

ხშირათ მთავრობა ისეთ მდგომარეობაში ჩნდებოდა, რომ მის გამოსარჩლებას ვეღარ ახერხებდნენ არა მარტო ცენტრიდან ოქტომბრისტიები, არამედ თვით უკიდურესი მემარჯვენენიც. ამ ყურ-მოკრილ დებუტატებსაც ზოგჯერ მთავრობის სასარგებლოდ დაწყებული სიტყვები მთავრობისავე საწინააღმდეგოთ უტრიალდებოდათ. ასე რომ თვით მესამე დუმისაგან მთავრობამ ბევრი რამ იწვნივა ისეთი, რაც მას მხოლოდ „კრამოლნიკურ“ და „რევოლიუციონურ“ დუმებისაგან ესმოდა ხოლმე.

ბატონი მინისტრები კი თითქმის ერთმანეთს ეჯიბრებოდნენ... სახელოვან ფრაზების გამოგონებაში. ასე ფინანსთა მინისტრი „უკუდავებით“ შეიმოსა თვისი ცნობილ განცხადების მეოხებით: „მადლობა ღმერთს, რუსეთში პარლამენტი არ არისო“, ე. ი. ნურას უკაცრავათ, თუ დუმას ისე კი არ მოვეპყრობით, როგორც უმაღლეს, საკანონმდებლო დაწესებულებას, არამედ, როგორც უბრალო „ГОВОРЛИВЫЯ“-სო (სადაყბოსო). სახალხო განათლების მინისტრი მზათ არის დებუტატებს „შკოლნიკებით“ ყური აუწიოს, რადგან მათ გახედეს კრიტი-

კულათ შეხებოდნენ არსებულ „განათლებას“ და გაეცნათ მოიხსენეს სანინისტროს მოღვაწეობა ამ საქმეში. „რუსული სკოლაო—ლაღად-ჰყო მინისტრმა—უფლისაგანა გვაქვს მოცემულიო“. მაგრამ ამ „აფორიზმებში“ პირველობა ისევ პირველ მინისტრს ეკუთვნის. მეორე დუმაში ნათქვამი „не напугаете!“ (ვერ შეგვაშინებთ) ბ-ნ სტოლიპინმა ეხლაც გაიმეორა, მხოლოდ სხვა სიტყვებით. როცა თათბირი იყო „სამხედრო მდგომარეობაზე“, გაძლიერებულ დაცვის და სხვა განსაკუთრებულ წესებზე, მან კვლავ აღიარა, რომ მთავრობა არ შეიძლება არ ეყრდნობოდეს ფიზიკურ ძალაზეო. ეს ერთხელ გინერალ ტრეპოვმა უფრო კარგათ გამოსთქვა ასე: „თქვენ (ხალხის მხარე) „რეჩების“ ანაბარა ხართ, ჩვენ (მთავრობას) კი „პულემიოტები“ გვაქვსო“. (თითქმის „პულემიოტები“ სხვა ქვეყნების მთავრობას კი არა ჰქონდეს).. ეს აღარც მესამე დუმამ მოიწონა.

დიახ, თვით მესამე დუმა იძულებული გახდა დაეგმო ძველი რეჟიმი, დაეგმო და გაეცნა მთავრობის ეს თუ ის მოქმედება, მაგრამ საქმით კი მან ვერც ერთი ნაბიჯი ვერ გადასდგა ამ მხრივ. დუმის ხელმძღვანელი პარტია—ოქტომბრისტიები-სიტყვით ეურჩებოდნენ მთავრობას, მარა როცა ჯერი მიდგებოდა საქმეზე (გადაწყვეტილების მიღებაზე) ისინი კვლავ მთავრობის მოქმედებას ადასტურებდნენ. და როგორც ზევითაც შევნიშნეთ, დუმამ ვერ მიიღო ვერც ერთი ძირითად მოთხოვნების შესახებ კანონ-პროექტი და ვერც კი აღძრა ამაზე საკითხი. უეჭველია, ეს აიხსნება იმ გარემოებით, რომ დუმის უმრავლესობას ჯერ კიდევ არ დაკარგვია რევოლიუციის შიშის ქარები.

მაგრამ დრო თავისას იზავს და მათაც დაბოლოს გული საგულეს ჩაუფარდებათ. მომავალი, შემოდგომის სესია აღბათ უფრო საყურადღებო იქნება „განმახლებელ“ საკანონმდებლო მუშაობის მხრივ. ამ მუშაობის მიმართულებას კი ნათლათ გვაჩვენებს ახლათ შეწყვეტილი სესია: მთელი ხალხის ინტერესები მსხვერპლათ ეწირება ერთ მუქა შემამულეების ბატონობას; დუმის მესვეურთა ბაიარის ზედ აზერია: „ძირს ხალხი!“ „ძირს პროლეტარიატი!“ როგორც ეს ითქვა თვით დუმის ტრიბუნიდან. დამონებულ ერების წინააღმდეგ თუ შეტათ არა, არც ნაკლები სისასტიკით იწარმოებს მჩაგვრელობის პოლიტიკა. დუმის მთელი პირველი სესია ხალხის გონებას დაჟინებით ჩასძახის, რომ საქირო არის არა მარტო ძველი რეჟიმის გაუქმება, არამედ აგრეთვე დემოკრატიულ კონსტიტუციის დამყარება; დაჩაგრულ ერებისათვის საქირო არის არა მარტო რუსეთის დემოკრატიული კონსტიტუცია, არამედ აგრეთვე განსაკუთრებული კონსტიტუციონური გარანტიები მათ ეროვნულ თვითარსებობის დასაცავათ. და ასე, თვით მესამე სახელმწიფო დუმის მოქმედება, თვით ამ დუმის შავ-რაზმელები შესანიშნავათ ხელს უწყობენ ხალხის პოლიტიკურ გათვითცნობიერებას, მით იქედება უძლეველი იარაღი რუსეთის ქეშმარიტ განახლებისათვის.

ლილ, მიუხედავად დღევანდელ შავ-ბნელ მდგომარეობისა ხალხის საქმე მაინც წინ მიდის, მთავრობა კი, მიუხედავად გარეგანი კეთილ-დღეობისა, უფრო და უფრო უნუგეშო მდგომარეობას აღწევს, და ფიზიკურ და სხვა დამატებით ბიუროკრატიული თვით-მპყრობელობასაც თამამად შეუძლიან მესამე დღეში მყოფ თავის მეგობრებს განუცხადოს: „თხუნილებო, თქვენ კარგათა სობრით ჩემს დასამიწებელ სამარეს!...“



III. ნაციის ისტორიის გზაზე.

2.

კაპიტალიზმის ხანაში.

ფეოდალიზმის დროს არსებული კარ-ჩაკეტილობა — როგორც წინა წერილში აღვნიშნეთ — არღვევს ნაციონალურ ერთიანობას; უფრო მეტიც, იგი დამოუკიდებელ თემთა განკარგოებულ პროვინციებს იმდენათ აშორებს ერთმანეთს, რომ თვითმეულ მათგანში ისახება ტენდენცია განსხვავებულ ნაციის წარმოქმნაში. ასეთ ტენდენციას ატარებდნენ ერთ დროს მაგ. ჩვენი ქვეყნის ისეთი ნაწილები, როგორიც არის კახეთი, ქართლი, იმერეთი, გურია და სხვა კი სამეგრელო. ამ ტენდენციას წინ ეღობება და ახალ ნაციის ელემენტებს შთანთქმისგან გამოსვლის ნებას არ აძლევს უკვე საქმათ განვითარებული სულიერი კულტურა, რის მატარებელი არიან გაბატონებული წოდებანი და რაიც მთელ ხალხს ერთ ნაციათ აერთებს. მაგრამ ეს კულტურა მაინც ვერ აქარწყლებს აღნიშნულ ტენდენციას, ვერა სპობს ნაციის დანაწილების ელემენტებს; რადგან ამას ძირი გამაგრებული აქვს თვით ფეოდალურ ეკონომიურ წყობილებაში. სწორედ ამიტომ, ნაციის გაერთიანება წილათ ხვდა კაპიტალიზმს, რომელიც, ევროპაში, განვითარებას იწყებს მე-XVI-ტე საუკუნიდან.

ნაციის ვითარებას ცვლილება ეტყობა უკვე მე-XIV-ტე საუკუნიდან, როცა აღორძინებას იწყებს ვაჭრობა-მრეწველობა.

ქალაქ ადგილებისკენ ვაჭრები ქვეყნის სხვა და სხვა კუთხეებიდან და მხარეებიდან ეზიდებიან საუცხოვო და ძვირფას საქონელს. ბატონებს უვითარდებათ სურვილი და მოთხოვნილება ამ საქონლის შესაძენათ; სიმდიდრე-ფუფუნების მატება აძლიერებს ფულის საჭიროებას, რაიც თავის მხრივ აძლიერებს გლეხ-კაცობის ექსპლოატაციას, ყვლეფს მემამულეებისაგან. იზრდება სიღარიბე-სიღატაკე, მრავლდება უმიწა-წყლო, ბოგანოთა რიცხვი, მწვავედება „პურისა და სამუშაოს“ მოთხოვნა. ამასობაში ვაჭრები სოფლათ უკვე აჩაღებენ შინა-მრეწველობას, ქალაქებში ხსნიან სამუშაო სახელოსნოებს — მანუფაქტურებს. ღარიბ-ღატაკთა ერთი ნაწილიც ლუკმა-პურს შოულობს ჯარში შესვლით. ვინმე ძლიერი ფეოდალი (მეფე) აღდგენს დაქირავებულთა ჯარს, რომლის დახმარებით

ის იმორჩილებს სხვა ფეოდალებს. ამით საზოგადოებრივ ფუნქციებს ეხლა მეფე ასრულებინებს დაქირავებულ პირებს. სახელმწიფო ხარჯების აკრეფა, ფინანსების გაძღოლა, მოსამართლეობა, კანონების შემუშავება, მარიცხვა-გამგეობა, ყველაფერი ეს ჰპარდება დაქირავებულებს, მოხელეებს, ჩინოვნიკებს. მთელ ამ ბიუროკრატიის წენახეა კი დიდ ძალ ფულის ითხოვს. სახელმწიფოს დიდათ გაზრდილი ხარჯები კისრათ აწევს, რასაკვირველია, მთავარ მოხარკე წოდებას, გლეხ-კაცობას, და ეს გადასახადები — ნაცელათ წინანდელ ნატურალურ ბეგარისა — ეხლა ფულათ არის გასასტუმრებელი. ამიტომ გლეხი იძულებული ხდება უფრო და უფრო მეტი ნაწილი თავის სამეურნეო ნაწარმოებისა ბაზარზე გაიტანოს და ფულათ აქციოს. ფულის შოვნის საჭიროება, აღებ-მიცემობა — მრეწველობის მოთხოვნილება მთავრობას აიძულებს გლეხების მხარე დაიჭიროს წინააღმდეგ ფეოდალებისა და პირველნი მეორეთა ყმობისაგან იურიდიულათ მაინც გაანთავისუფლოს. გლეხ-კაცობა თანდათან უფრო მეტათ ებმება ვაჭრობა-მრეწველობის პროცესში. საქონლის დამზადება, წარმოება გასასყიდათ — მარქსის სიტყვით რომ ვთქვათ — ხდება წარმოების საყოველთაო ფორმათ. მრეწველობა უკვე იმდენათ რთულდება, რომ მის გასაძღოლათ საჭირო ხდება სხვა და სხვა კატეგორიის ტექნიკოსები. გართულებული საზოგადოებრივი ურთიერთობანი იწვევს ათასგვარ დავიდარებას, სასამართლო პროცესებს, რაც იგულისხმებს მსაჯულებისა და ვეჭილების ამოქმედებას. ქალაქებში შეჯგუფული ცხოვრება იწვევს მრავალგვარ სნეულებათ, საზოგადოებრივი თუ კეძო ჯანმრთელობა საჭიროებს ექიმების დახმარებას და სხ., ასე თანდათან იზრდება, აგრე წოდებული, თავისუფალ პროფესიის ხალხიც — ინჟინერები, ვეჭილები, ექიმები და სხ. და სხ.

ამ რიგათ, სრულიად იცვლება საზოგადოებრივი ცხოვრება. ჩნდება ახალი სოციალური ჯგუფები, ახალი კლასები და პროფესიები. ადამიანები ეხლა მიწაზე აღარ არიან მიჯაჭულნი. ხალხი ერთმანეთში ითქვიფება. სოფელი მჭიდროთ უკავშირდება ქალაქს, ქვეყნის სხვადა-სხვა ნაწილი ერთი მეორესთან მჭიდრო ურთიერთობაში ვარდება; აღებ-მიცემობა, საქონლის ტრიალი იწვევს ხალხის ტრიალს — მიმოსვლას; სხვა და სხვა პროვინციების კილოკავები, ზნე-ჩვეულება, რელიგიოზური წარმოდგენანი, უფლება და სხ. ჰკარგავს განკარგოებულ ხასიათს; ერთობა მტკიცდება, ძველი კარ-ჩაკეტილობა იკარგება; ნაცია ერთიანდება.

მაგრამ ნაციის აქ აღნიშნულ ერთიანობა-მთლიანობის აღდგენას ძალიან განასაზღვრული და შედარებითი მნიშვნელობა აქვს. ნაციონალურ კულტურას ჯერ კიდევ ფლობენ ბატონები. მხოლოდ ამათი წრე ეხლა გაფართოებულია; თავად-აზნაურობასა და სასულიერო წოდებას ეხლა ემატებიან ჩინოვნიკები, უთვალავ კანცელარიების მოხელენი და თავისუფალ პროფესიის პირები, ინტელიგენცია. ნაციონალურ კულტურის ზე-გავლენა

მდაბიო ხალხზე, თქმა არ უნდა, ეხლა უფრო მეტია, ვიდრე წინათ; მაგრამ ამ კულტურის საუკეთესო განძი გლეხებისათვის, ხელოსნებისა და მუშებისათვის ეხლაც ისევე გაუგებარი და ხელ-მიუწდომელია, როგორც იყო ფეოდალიზმის დროს. ეს უკანასკნელი ჯერ არც არის საგნებით მოსპობილი კაპიტალიზმის პირველ ხანებში. მას ძირიან-ფესვიანათ აგდებს მხოლოდ ბურჟუაზიული პოლიტიკური რევოლუციები, რის შემდეგ საოცარ ზრდა-განვითარებას იწყებს და უმაღლეს წერტილს აღწევს მსხვილი ვაჭრობა, მსოფლიო აღებ-მიცემობა, დიდი წარმოება, მსხვილი ინდუსტრია, წარმოება უზარმაზარი მანქანების საშუალებით, რაიც ერთ ქვეშ თავს უყრის მრავალ ათას მუშა-ხელს და ადამიანთა მასას დაუცხრომლათ ქვეყნის ერთი კუთხიდან მეორისაკენ მიმოსვრის, ბაზრის პირობების დაცვათ. მყარდება თანამედროვე კაპიტალიზმი; ეს ძირიანათ სცელის წინანდელ სოციალ-პოლიტიკურ ცხოვრებას და ამასთანავე სცელის და ასხვადფრება ნაციის მთელ ვითარებასაც.

მსხვილი მრეწველობა და ახალი სასოფლო მეურნეობა ვეღარ ურიგდება, ვეღარ იშვდნენ სრულიად უფიცსა და ტეტია მუშა-კაცს, ტეტია აღარ ვარგა თვით თანამედროვე ტენიკის მექანე ჯარისთვის, სადაც ეხლა საყოველთაო სამხედრო ბეგარის მოსახდელათ თავს იყრის სხვა და სხვა კუთხისა და სხვა და სხვა წრის ხალხი; ვეღარც ადგილობრივი თვითმართველობა იშვდნენ აბუეტ მოქალაქეს. აუცილებელ საჭიროებათ ხდება სწავლა-ცოდნის გავრცელება. მრავლათ იხსნება პირველ დაწყებითი და პროფესიონალური სკოლები, იხსნება სახალხო ბიბლიოთეკა-სამკითხველოები. ხალხის ფართე მასსაში ვრცელდება სწავლა-განათლება. ამავე მიმართულებით მოქმედებს პრესის თავისუფლება, კრებების, კავშირების უფლება და სხვა მოქალაქობრივი თავისუფლებანი. უფრო კი დიდ მნიშვნელოვან ფაქტორათ ხდება საყოველთაო საარჩევნო უფლება, რომლის მეოხებით თვით უბეჩავესი ნაწილი ხალხისა ქვეყნის პოლიტიკურ ცხოვრებაში ებმება და სისტემატიურათ განიცდის პარტიების პროპაგანდა-აგიტაციას, სიტყვით—კრებებსა და მიტინგებზე, თუ ბექდვით—ფურცლებისა, იაფ-ფასიან გამოცემებისა და ჟურნალ-გაზეთობის საშუალებით. ყველა ეს ერთად აღებული მთელ რევოლუციას ახდენს ფართე მასის პსიხიკაში და ქვეყნის მთელ კულტურულ ცხოვრებაში. ამ მხრივ, ყველაზე უფრო დიდ როლს თამაშობს თანამედროვე მუშათა მოძრაობა, რომლის ორგანოები—პროფესიონალური კავშირები და პოლიტიკური ორგანიზაციები—ორი მხრიდან აწვენიან შესამუსრავათ მშრომელი ხალხის საუკუნოებით გაქედნილ გონებრივ დაბეჩავებას. ამ ორგანიზაციების მოქმედება ამოკლებს სამუშაო დროს, მაღლა სწევს სამუშაო ხელ-ფასს, ერთი სიტყვით აუშჯობესებს შრომის პირობებს და მათ ჰქმნის აუცილებელ ნიადაგს მუშა ხალხის გონებრივ და ზნეობრივ ასამაღლებლათ. მეორე მხრივ, პოლიტიკურ ორგანიზაციების პირდაპირი დანიშნულებაა მუშათა კლასი-

ურ თვითცნობიერების გაღვიძება-განვითარება. ამის შესრულებას თავის-თავად მოსდევს მუშებისაგან სხვა და სხვა სოციალ პოლიტიკურ თეორიების გაცნობა. ამავე კლასიურ თვით-ცნობიერების გასაფართოებლათ და გასაღრმავებლათ საჭიროა მუშებმა შეიძინონ ელემენტარული ცოდნა მაინც მთელ სამყაროს არსებობის შესახებ. მუშათა კლასი თანდათან ეცნობა ფილოსოფიისა და მეცნიერების სხვა და სხვა სისტემა-თეორიებს. მისთვის უცხო აღარ არის არც ხელოვნების ნაწარმოებნი.

ამ გეგარათ, მშრომელი ხალხიც პირდაპირი მონაწილე და თანაზიარი ხდება ნაციონალურ კულტურისა. დიხს, ნაციის დაზარალები ნაწილი ამტყვევს ნაციონალურ კულტურის დიდებულ ტაძრის ბქეს, მაგრამ... მაგრამ ის მაინც კიბის პირველ საფეხურებს ვერა სცილდება და ვერც გასცილდება, ვიდრე არსებობს კაპიტალისტური წეს-წყობილება, ვიდრე არსებობს კლასიური საზოგადოება, ე. ი. ადამიანისაგან ადამიანის ყველფა-მზავგრელობაზე დაფუძნებული საზოგადოებრივი ცხოვრება.

ადამიანთა გრძნობა-გონების ნაყოფი, დაგროვილი და განვითარებული მრავალ ათას საუკუნეთა განმავლობაში დღეს უკვე იმდენათ მდიდარია, ისეთ სიდიადეს აღწევს ეს ნაყოფი, ეს სულიერი კულტურა ადამიანთა, რომ მის დასაპყრობათ, ე. ი. საგნებით შეგნება-შესათვისებლათ და გამოსაყენებლათ საჭირო არის საკმაო ფაქიზი, ნარნარი მგრძნობელობა და საკმაო მაღალი, განვითარებული გონება; მაგრამ უწინარეს ყოვლისა საჭირო არის საკმაო თავისუფალი დრო, საჭირო არის ყოველდღიურ ღუქმა-პურისათვის მზრუნველობიდან განთავისუფლებული სულიერი განწყობილება. ჩვენ აქ, რასაკვირველია, სახეში არა გვყავს განსაკუთრებულ ნიჭიერებისა და ენერგიის ადამიანები; ვლახარაკობთ ჩვეულებრივ მომაკვდავებზე, ხალხის მასსაზე. ამათ შესახებ კი, ექვს გარეშეა, რომ ნივთიერი სიღატაკე სრულიად მოუთავსებელია სულიერ სიმდიდრესთან; **თუმცა**—ანუ უკეთ—**რადგან** დღევანდელ პირობებში პირველი მეორის აუცილებელი საფუძველია. როდესაც, მაგ., ბურჟუაზიის ახალგაზდობა ოც წელიწადს და კიდევ მეტ ხანს სწავლა-აზრდაში არიან, ეს იმას ნიშნავს, რომ ფაბრიკა-ქარხნებსა და მინდვრებში მათ სასარგებლოთ ოფლსა ღვრის მუშა-ხალხი თავის ბავშვებითა თუ ახალგაზდობით. ანუ როდესაც იმავე ბატონების ბრწყინვალე პუბლიკა სტკება ვინმე ბექტოვენის სიმფონიებით თუ ვაგნერის ოპერების მოსმენით განიცდის მაღალ ესტეტიკურ სიამოვნებას და სხ. და სხ. ყველა ეს იგულისხმებს, რომ იმავე სამუშაო ადგილებს ანუ ქვესკნელს, მიწის ქვეშ, სადმე მაღაროებში ნახევრათ შიშველი, ოფლსა და მურში გასვრილი ადამიანები განუწყვეტილვ სჭიმავენ თავის ძარღვებსა და კუნთებს... შრომისაგან დაღლილ-დაქანცული მუშა, იმის მაგივრათ, რომ მოსვენებას მიეცეს, ხშირათ წიგნს იღებს ხელში სამეცადინოთ, ჟურნალ-გაზეთებს კითხულობს, კრებებს ესწრება, ლექციებზე დადის და ასე თანდათანობით მაინც იძენს სწავლა-ცოდნას. მუშების მხრივ—

თქმა არ უნდა—ეს ისეთი გმირობაა, ისეთი ზნეობრივი სიმამლია, რომელიც ბურჟუაზიისათვის საშუალოდ ხელმძღვანელი დარჩება. მუშა ხალხი თანდათანობით იძენს სწავლა-ცოდნას, მაგრამ ეს ძალიან მცირეა, მხოლოდ პაწია ნატეხებია ნაციის დიდი კულტურულ განძებისა. მცტის შეძენისათვის კი მუშებს წინ ედგება ნივთიერი სიღარიბე და შედარებით გრძელი სამუშაო დრო.

იქნება შრომის ნაყოფიერება ჯერ კიდევ იმდენათ მცირეა რომ ერის ქონება—სიმდიდრე ვერ გასწვდება ყველას? იქნებ ეს ჯერ კიდევ ვერ უზრუნველყოფს ერის ყველა წევრთა რიგიან ფიზიკურ არსებობას, რაიც უშუალოდ პირობაა სულიერ კულტურის თანაბარ სარგებლობისათვის? მაგრამ ვინ არ იცის, რომ ჩვენს დროში ზოგჯერ მშვიერი თუ ნახევრათ მშვიერი ადამიანები საცოდავად, უნუგეშოდ დალასლასებენ თვით იმ ამბებსა და საწყობების გვერდით, სადაც აუარებელი სურსათი და სანოვავე მომხმარებელთა მოლოდინში ფუტკდება და ღვება; ანუ ჩაუცმელობისაგან იტანჯებიან მაშინ, როცა მაღაზიების თაროები ვეღარ უდგნობენ ათასგვარ ჩასაცმელ-დასახურის და სხვა ნივთიულობის სიმდიდრეს. არა, შრომის ნაყოფიერება უკვე საზღაპრო სიმამლიმდე არის მისული, საწარმოვო ძალები უკვე ჩვენს დროში სასწაულმოქმედებენ, მაგრამ საქმე ის არის, რომ ეს ძალები მხოლოდ კაპიტალის სასამსახუროდ მოქმედებენ. შრომისა და წარმოების ყველა იარაღები და საშუალებანი კერძო პირების, კაპიტალისტების კერძო საკუთრებას შეადგენს. ეს ბატონები კი, რასაკვირველია, თავის ჯიბის ინტერესებს ეძებენ და არა ნაციის სიკეთეს. კაპიტალისტები ნამუშევარის მხოლოდ ერთ ნაწილს აძლევენ თვით მომუშავეებს, დანარჩენს კი თავისთვის იტოვებენ **მუქთად**. მუშა ასეთ პირობაზე უარს ვერ ამბობს, იძულებულია დთანხმდეს, რადგან წინააღმდეგ შემთხვევაში სიმშვილით სიკვდილი ელის. კაპიტალისტიც თავის მხრივ უარს ვერ იტყვის სხვისი შრომის მუქთად დასაკუთრებაზე, ის ვერ მოიშლის მუშათა ჩაგვრა-ექსპლოატაციას, რადგან წინააღმდეგ შემთხვევაში ის თავის-თავს მოსპობდა; ეს კი, რასაკვირველია, მას არ ძალ-უძს. კაპიტალისტები, ბურჟუაზია კლასიურად იძულებულნი არიან დაიცვან ადამიანისაგან ადამიანის ჩაგვრა—ექსპლოატაცია.

მეორე მხრივ, ყველა ის სახალხო სწავლა-განათლების გამავრცელებელი საშუალებანი, რაიც კაპიტალისტურმა ხანამ წარმოშობა, ეხლა უკვე ათვალწუნებულია ამავე წყობილების მატარებელ ბურჟუაზიისაგან. მართალია ცოტაოდენი სწავლა-ცოდნა მუშების მხრივ საქირაო თანამედროვე წარმოებისათვის, ხელსაყრელია თვით კაპიტალისტებისათვის; მაგრამ ამათვის მუშების ბევრი სწავლა-ცოდნა უკვე საზარალოა. ერთი რომ რაც მეტ დროს მოანდომებენ მუშები სწავლას, იმდენი ნაკლები დრო დარჩება შრომისათვის და მაშასადამე იმდენი ნაკლები მოგება დარჩება კაპიტალისტებს, და მეორეც, საკმაოდ განათლებული მუშები, ცხადია, აღარ ინდომებენ კაპიტალიზმის უღლის ტარებას. გარდა ამისა,

ბურჟუაზია ეხლა ხედავს, რომ ის სახალხო პოლიტიკური და მოქალაქობრივი უფლებანი, რისთვისაც ერთხელ თვითონვე იბრძოდა თავ-გამოდებით, და რის განხორციელებამაც შესანიშნავად გააფართოვა ნაციონალურ კულტურით მოსარგებლე ხალხის წრე, ბურჟუაზია ხედავს, რომ ეს უფლებანი მუშათა ხელში უკვე საშიშ იარაღად ხდება კაპიტალიზმის წინააღმდეგ საბრძოლველად, და ამიტომაც იგი ესწრაფის ეს უფლებანი რაც შეიძლება მეტად შეზღუდოს, შეკვეცოს და თუ შეიძლება სულაც გააბათილოს. აგრე რომ არა ყოფილიყო—შეენიშნოდ გაკერით—რუსეთსა და სპარსეთში ჩვენ მოწმე არ ვაყბდებოდით განთავისუფლებისათვის მებრძოლ ხალხის იმ ტანჯვა-წამებისა, რასაც ჩვენდა სავალალოდ ჯერ კიდევ არ უჩანს დასასრული. მაგრამ თანამედროვე ბურჟუაზია, ევროპის ოდესღაც რევოლუციონური ბურჟუაზია „გუნებ ნაქცევად“ გახლავთ. კაპიტალიზმი „ორსულად“ არის ახალ საზოგადოების წარმოსაშობათ...

მაგრამ დავასვენათ. მას შემდეგ, რაც კლასიური საზოგადოება გაჩნდა, კაპიტალიზმი პირველი საზოგადოებრივი წყობილებაა, რომელიც ხალხის ფართე მასას კარებს უღებს ნაციონალურ კულტურის ტაძარში შესასვლელად; მშრომელი ხალხი პირდაპირი მონაწილე და თანაზიარი ხდება ამ კულტურისა, რითაც მყარდება მთელი ხალხის კულტურული ერთობა, მაშასადამე ნაციონალური ერთობა, ნაციონალური ბუნებისა და ხასიათის ერთობა. მაგრამ ამ პროცესს საზღვარს უღებს და ავიწროებს თვით კაპიტალიზმივე. ხალხის ფართე მასას იგი ნაციის კულტურულ ტაძრის დერეფანშივე ამწყვედევს და ხმალ-ამოწყვდილი სდარაჯობს, რომ მან წინ აღარ გადადგას ფეხი. ნაციონალურ განვითარების შეჩერება აუცილებელი პირობა ხდება კაპიტალიზმის არსებობის უზრუნველ—საყოფელად. ასე და ამ რიგად, საზოგადოებრივ ცხოვრების მსვლელობა აღწევს იმ საფეხურს, როცა ნაციის განვითარების ინტერესები გადაჭრით ითხოვენ კლასიურ საზოგადოების მოსპობას.

მნ.

სსკა-და-სსკა ამაგები ჩვენში.

29 ივნისს ქ.ნ გორნოსტაევის თავმჯდომარეობით მო'და თბილისის ჟურნალისტთა და ლიტერატორთა საზოგადოების დამფუძნებელი კრება. წაკითხულ და განხილულ იქნა საზოგადოების წესდება. კრებამ აირჩია დროებითი კომიტეტი სამი პირისაგან და დაავალა მათ შეიძინონ ახალი წევრები, შეკრიბონ საწევრო გადასახადი და სხვა. დასასრულ კრებამ იქონია მსჯელობა ტოლსტოის 80 წლ. იუბილუის შესახებ. კამათის შემდეგ გადაწყვიტეს გამოსცენ ქართულ, სომხურ და თათურულ

ენებზე კრებული, რომელშიაც მოთავსებული უნდა იყოს ტოლსტოის რჩეული ნაწარმოებნი. კრებამ დაადგინა ეთნოვოს რუსეთის გამომცემელი ამხანაგობებს დაუთმოს ტოლსტოის თხზულებათა რამდენიმე ეკზემპლარი დაკლებულ ფასში ლიტერატურათა საზოგადოებას კავკასიელ რუსთა შორის გასავრცელებლათ.

მიმდინარე წლის საეროზო თანხიდან გადაღებულია საქართველოს საექსარხოლოს სამრევლო სკოლების შესანახათ დახმარების სახით 17,300 მან.

პირველ ივლისს ხელ-ახლათ გამოვიდა პატრიოტების გაზ. „გოლოს კავკაზა“.

გამოცხადდა „კავკაზა“ში ოფიციალური ბრძანება, რომ ბათუმსა და კონსტანტინოპოლის ნაწილში რჩება საგანგებო წესები 1908 წლ. 21 დეკემბრამდის.

ადმინისტრაციის განკარგულებით დაიკეტა მექისეთა კავშირი.

მომავალ სამოსწავლო წლიდან თბილისის ქართულ გიმნაზიაში სწავლის ფული მოსამზადებელ კლასის მოწაფეებს გადახდებათ 30 მან. გიმნაზიურ კლასებისას - 40 მან.

განათავისუფლეს დაპატიმრებიდან სომხურ გაზ. „ვტაკ“-ის რედაქტორი ხუდადიაძე, რადგანაც 2 ივლისს გადახდა ჯარიმა 1300 მან.

ქართულ ფილარმონიულ საზოგადოების მინდობილობით კახეთში მიემგზავრება სახალხო კილოების შესაკრევად ზაქ. ფალიაშვილი.

ქართული დრამატული დასი შეუდგა მზადებას მომავალ სეზონისათვის: აძლიერებს რეპერტუარს, ანახლებს გარდერობს, იწვევს ახალ ძალებს ჩაეწერნენ დრამ. დასში და სთარგმის ზოგიერთს პიესებს ევროპიელ გამოჩენილ მწერლებისას.

გადასახლების უმთავრეს გამგეობას შეუტყობინებია კავკასიის რკინის გზის გამგეობისათვის, რომ ახლო მომავალში 15 ივლისამდე შიდა გუბერნიებიდან გამოივლის აუარებელი რიცხვი გადმოსახლებულებისა ამიერკავკასიაში.

გაზეთების ცნობით ბაქოში ადმინისტრაციას აღმოუჩენია მთავარი სადგომი საექვეო პირებისა, რომელნიც თავიანთ თავს „შავ ყორნებს“ და „ანარქისტ-კომუნისტებს“ უწოდებდნენ. სადგომში იპოვეს სხვა და სხვა ბეჭდები, შტემპელები, ვექსილები, ყალბი ფულები, ზღაწკები და სხვ. შიგ დაპატიმრეს იაკობ და ივანე ჯეი-რანოვები, რომელნიც, გამომძიებლის აზრით, იღებდნენ მონაწილეობას მრავალ ძარცვა-ეჭსპროპრიაციაში.

25-28 ივნისს თბილისის სამოსამართლო პალატის სესიამ ბაქოში განიხილა პოლიტიკური საქმე 13 კაცისა, რომელთაც ბრალათ ედებოდა ბაქოს ორგანიზაციის რუს. ს. დ. მ. პ. წევრობა. სასამართლომ ორი გაამარ-

თლა, ოთხს სამუდამო გადასახლება გადაუწყვიტა. ერთი ბრალდებულთაგანი სიმფეროპოლის ციხეში იმყოფება.

პარასკევს 4 ივლისს, შესრულდა ორი წელიწადი, რაც ტრალიკულათ მოკლულ იქნა ქართულ გიმნაზიის ისპექტორი შიო ჩიტაძე. ამ დღეს ნაშუადღევს 11½ საათზე გადახდეს პანაშვიდი განსვენებულის სულის მოსახსენებლათ.

თავ. სუმბათაშვილის პიესა „ლალატი“ გადაუთარგმნიათ „ესპერანტო“-ს ენაზე. ახლო მომავალში წარმოადგენენ კიდევ ერთ-ერთ პარიზის თეატრში.

ქუთაისი. ორშაბათს, 23 ივნისს, ქალაქის საბჭოს სხდომაზე ხელმეორეთ განიხილეს საკითხი ი. ჭავჭავაძის სახელობის საქალაქო სკოლის გადატანის შესახებ ბა. ლახოვანის ქუჩაზე. ახდელი კენჭის ყრით გადაწყდა სკოლა ისევ იმ რაიონში დაეტოვებიათ ე. ი. საღორაში, სადაც შესაფერი შენობა სკოლისათვის სრულიად არ მოიძებნება. სამოსწავლო კომისიის აზრი კი ასეთი იყო: სკოლა აუცილებლათ ბა. ლახოვანის ქუჩაზე გადაეტანათ. გასაკვირალი ის არის, რომ ერთმა კომისიის წევრმა კენჭის ყრის დროს მხარი არ დაუჭირა კომისიის გადაწყვეტილებას, მერე იმ წევრმა, რომელიც წინეთ ენერგიული დამცველი იყო სკოლის გადატანის აუცილებლობისა.

რედაქციამ მიიღო ახალი წიგნი: „**Антропология Грузии. I Грузины Картлинии и Кахетии**“ А. Н. Джавахова. გამოცემული მოსკოვის უნივერსიტეტთან არსებულ „ბუნების მეტყველების, ანტროპოლოგიის და ეთნოგრაფიის მოყვარულთა საიმპერატორო საზოგადოების მიერ. წიგნი შეიცავს საკითხის სერიოზულ, სამეცნიერო გამოკვლევას.

გამოვიდა საყმაწვილო ნახატებიანი ჟურნალი „**ჯაჯილი**“-ს № VI. ნომერი ჩვეულებრივ კარგათა და მასალის მხრივ მდიდრათა შედგენილი და სუფთათ გამოცემულია.

რედაქციამ მიიღო „**Посредник**“-ის შედგენილი გამოცემები; სხვა და სხვა მწერალთა აზრები შეკრებილი **Л. Толстой**-ს მიერ: „**Богъ**“, „**Разумъ**“, „**Божественная природа души**“, „**Свобода**“, „**Единение**“. ყველა ეს გამოცემები სუფთათ და საუკეთესო ქალაქობა გამოცემული. ღირს თითო 10 კაპიკი.

რესეტი.

სიკვდილით დასაჯეს: სევესტოპოლში—ოთხი, ოდესში—სამი, ვილნოში—ერთი.

სიკვდილით დასაჯა გადაუწყვიტეს: კრემენჩუგში—ერთი, მოსკოვში—სამი, ვილნოში—ერთი, რიგაში—ორი, ოდესაში—ხუთი, ხარკოვში—ორი, ეკატერინოსლავში—ორი, ბობრუისკში—სამი, ირკუტსკში—შვიდი.

ვილნოში აღმოუჩენიათ თხრილი ადგილობრივ არტილერიის იარაღის საწყობის ქვეშ. მოდარაჯემ დრო-

ზე შენიშნა ბოროტ-განზრახველნი, დაიწყო ყვირილი, რის შემდეგ ორი იმათგანი დაიქირეს, ერთმა მოასწრო დამალვა. საწყობში ინახებოდა აუარებელი რევოლვერები.

გრაივორონის მაზრაში (კურსკ. გუბ.) ტყეში უპოვიათ მშენიერათ მოწყობილი საიდუმლო სტამბა, შრიფტი, დაბეჭდილი ფურცლები, ბროშურები და სხვა და სხვა საჭირო საბუთის ქაღალდები რევოლუციონური ორგანიზაციისა.

„კიევსკაია მისლი“ დააჯარიმეს 300 მან.

სიმფეროპოლში კაპიტან ილიინსკის სადგომში აღმოაჩინეს საიდუმლო სტამბა.

გენ. ღუმბაძემ გააძევა იალტიდან დოქტორ სალტიკოვსკის მოწმენი, რომელთა ჩვენებით სამოსამართლო პალატამ სალტიკოვსკი გაამართლა.

მთავრობამ არ დაამტკიცა წესდება „პოლშის ხალხის განმანათლებელ საზოგადოებისა“.

ქიტომირში ანარხისტების დაპატიმრების დროს სამი მათგანი მოკლეს, სამი დასჭრეს, 13 დაატუსაღეს. ჯანდარმების მხრივ დაჭრილია ექვსი, რომელთაგან ერთი გარდაიცვალა.

ვოლოგდის საგუბერნიო ციხეში მძვინვარებს სახადი, რომლის მსხვერპლათ, სხვათა შორის, გამხდარა საპატიმროს უფროსი.

პეტროზავოდსკში დასჭრეს ხანჯლით გულში პეტერბურგის სამოსამართლო პალატის თავმჯდომარე კრაშენინიკოვი. დამკრელი დაიქირეს; ის აღმოჩნდა პეტროზავოდსკის მუშის შვილი, 19 წლ. კაბუკი.

ფინლიანდიის სეიმის არჩევნების დროს ყველაზე მეტი ხმა მიიღეს სოციალ-დემოკრატებმა (153,525), მათ მისდევნ სტაროფინომანები (107,280), შვედომანები და სხვა...

სეიმში ამოირჩიეს: ს.-დ. 76 (დაკარგეს 4 ადგილი), შლადოფინომანები—29, შვედომანები—30, სტაროფინომანები—53, აგრარულ კავშირისა—8, ქრისტიანულ-თ-მოაზროვნე—4.

ტრიტუნის სადგურზე კამენსკის ქარხნის კასირს წაართვეს 25,000 მან.; დასჭრეს კასირი და ერთი სტრაენიკი მოკლეს. დამკემლები მალე დაიქირეს; ფული უკლებლივ ჩამოართვეს.

ეკატერინბურგში აღმოაჩინეს საიდუმლო სტამბა სოციალ-რევოლუციონერებისა, სადაც ინახებოდა აუარებელი არალეგალური ლიტერატურა. დაიქირეს 13 კაცი.

მილიუკოვისა და ცნობილ პოპოვის საქმის გარეშე გათავდა. მომრიგებელმა მოსამართლემ დამნაშავეთ იცნო პოპოვი და გადაუწყვიტა ერთი თვით დაპატიმრება.

ს.-დ. ფრაქციამ იუზოვკაში დაღუპილ მუშების ოჯახებს გაუგზავნა შემდეგი ტელეგრამა:

„ს.-დ. ფრაქციამ ღირსი მუშხარებით შეიტყო კიდევ ერთი საზარელი კატასტროფა, რომლის მსხვერპლათ ასობით გახდნ პატიოსანი მუშაკები. პროლეტარიატის წარმომადგენელნი მესამე სახელმწიფო დუმისა უცხადებენ თავისი სიბრალელს და უღრმეს თანაგრძნობას გაუმაძღარ კავიტალიზმის მსხვერპლათ-გამხდარ ამხანაგების და მახლობელთა ოჯახებს“.

ფრაქციას გადაუწყვეტია მიმართოს დაღუპილთა ოჯახებს თხოვნით მიაწოდოს მას დაწვრილებითი ცნობები კატასტროფაზე, მის მიზეზებსა და თავიანთ მატერიალურ მდგომარეობაზე.

22 ივნისამ დაუმარხნიათ 264 იუზოვკის კატასტროფის მსხვერპლი.

23 ივნისს, მოსკოვში, არხიმანდრიტ მაკარის თავმჯდომარეობით მოხდა რუსის ხალხის კავშირის და მონარქიულ პარტიის წარმომადგენელთა შეერთებული კრება. ცნობილმა დეკანოზმა მ. ვოსტორგოვმა წარმოსთქვა უშველებელი სიტყვა იმის შესახებ, რომ მთელ რუსეთში ემზადებიან ლ. ნ. ტოლსტოის პატივსაცემათ. ორატორის აზრით ეს პატივისცემა იქნება უდიდესი შეურაცხყოფა მთელი რუსეთის ხალხისა. ყველაზე ძალიან სამარცხვინოა მოსკოვის ქალაქის დუმის დადგენილება ქალაქის სასწავლებლების შეგირდების მონაწილეობის მიღების შესახებ ამ დღესასწაულში. ეს ძალმომრეობა უდრის იროდიასგან ჩვეილი ყმაწვილების გაწყვეტას. მ. ვოსტორგოვმა მისცა წინადადება კრებას მიიღოს შემდეგი საშუალებანი იუბილეის გამართვის წინააღმდეგ: ეთხოვოს მოსკოვის გენ.-გუბ. და გრადონაჩალნიკს მოისპოს დუმის დადგენილება იუბილეში შეგირდების მონაწილეობის მიღების შესახებ; გამოიცეს ფურცლები და ბროშურები, სადაც ჩამოთვლილ უნდა იყოს ტოლსტოის დანაშაულობანი; ეთხოვოს უწინდესს სინოდს დაუგზავნოს მიწერილობანი ყველა მღვდლებს, რომ მათ ამპიონიდან მიმართონ და აუხსნან მრევლს, თუ როგორი ცოდვია მართაღიღებელ ადამიანებისათვის მიიღონ მონაწილეობა იმ კაცის იუბილეში, რომელიც გაძევებულია ეკლესიიდან შეჩვენებით. იუბილეის დღეს, ვოსტორგოვის აზრით, საჭიროა მოხდეს ნამდვილი რუსული დემონსტრაციები, რომ ხელი შეეშალოს დღესასწაულის დიდებულათ გადახდას. დასასრულ კრებამ მიიღო რამდენიმე რეზოლიუცია და დადგენილება: 1) უნდა აღძრულ იქნას შუამდგომლობა, რომ წელს მოსკოვის უნივერსიტეტში მიიღონ მხოლოდ მართაღიღებელი სტუდენტები; 2) რომ ყველა კონ.-დემ. გამოარიცხონ სახელმწიფო სამსახურიდან, და 3) ვიტყვ, აღექსევი და კურაპატკინი გაძევებულ იქნენ სახელმწიფო საბჭოდან. („რეჩი“) 22-27 ივნისისა).

ცოტა რამ სასწავლო-გარეთელ სამღვდლოებაზე.

წერილი ვინიდან.

(დასასრული.)*

აი, ეგრე ებრძვის დღეს სამღვდლოება თავის ძალის და ბატონობის განსამტკიცებლათ მოწინავე, პროგრესულ ნაწილს საზოგადოებისას იმ სახელმწიფოებში, სადაც, როგორც ზემო აღენიშნეთ, ეკლესია და სახელმწიფო კანონიერ გზით ხელი-ხელთ ჩაკიდებულნი მოქმედობენ.

ახლა ვიკითხოთ, რა გზას ადგება სამღვდლოება იმ სახელმწიფოებში, სადაც რევოლუციონურ მოძრაობამ მოასწორო და შესძლო ეკლესია სახელმწიფოსაგან დაეშორება, სარწმუნოება კი კერძო საქმეთა გამოცხადება. ავიღოთ საფრანგეთი და ამერიკა მაგალითად. საფრანგეთში, როგორც აღბად შეითხველ საზოგადოებას მოეხსენება, მხოლოდ ორმა წელმა განვლო რაც სახელმწიფოს მიერ ეკლესიის მფარველობა გაუქმებულ იქნა. წინედ აქაც სამღვდლოება საკმარისად იყო გამაგრებული, მის სამწყემსო მრავალ რიცხოვანი იყო; დღეს კი გარემოება თვალსაჩინოთ იცვლება.

ექვს გარეშეა, საფრანგეთის სამღვდლოება ამჩნევს იმას, რომ მისი გავლენის დღენი დათვლილია, მაგრამ რა ქნას, რით დააღწიოს ამგვარ მდგომარეობას თავი? მთავრობა მას აღარ ეხმარება, თვითონ კი პროპაგანდა-აგიტაციას, ფლიტობა-კულ-მელაობას, გამბედაობასა და ენერგიას ხელს არ აკლებს, მეტი კი მას აღარაფერი შეუძლია!...

თუ როგორი იქნება მისი მოქმედება ახლო მომავალში, ამაზე შეიძლება რამოდენიმედ მოგვეცეს პასუხი ამერიკის სამღვდლოებამ. ეს უფრო მეტ ინტერესს წარმოადგენს ჩვენთვის, რადგან ამერიკაში დიდი ხანია, რაც ეკლესიას სახელმწიფოსაგან დახმარება არ ახსოვს და არც საფრანგეთისებური ტრადიცია მნიშვნელოვან როლს თამაშობს სამღვდლოების ყოფა-ცხოვრებაში. აქ, თურმე, მას თავის გაქირვებულ მდგომარეობის დასაღწევად ერთ ხერხისთვის მიუძღარაფს. ქრისტეს მცნების მქადაგებელთ დაუარსებიათ ახალი კავშირი, რომელს სახელად „ქრისტიანულ-სოციალისტური საზოგადოება“ მიუღია, და ამავე სახელის ორგანოსაც სცემენ. წელს ზაფხულში მესამე პარტიული სიეზი მოახდინეს ნიუ-იორკში (ამერიკაშია); სიეზზე იღებდნენ მონაწილეობას უმთავრესათ სასულიერო პირები, თუმცა საერო პირებიც არ აკლდნენ.

მათი პროგრამა და ტაქტიკა გვაოცებს და უნებლიეთ ეჭვი შეგვაქვს მათ პარტიულ განძრახებაში: მაგრამ დამოკიდებულება ამერიკელ სოციალისტურ პარტიის ამ საზოგადოებასთან ჩვენს ექვს აქარწყლებს და წინააღმდეგში გვარწმუნებს. მაგ., ამხ. დებსი ამერიკელ სოციალისტურ პარტიის პრეზიდენტი, ერთ მრავალ-რიცხოვან კრებაზე, რომელიც „ქრისტიანულ-სო-

ციალისტურ საზოგადოების“ ინიციატივით მოწვევული იყო, იძულებულია განაცხადოს, რომ „დღეს სამღვდლოებას, როგორც ამხანაგებს, ვართმევ ხელს, იმ სამღვდლოებას, რომელს წინად არაფერში ვენდობოდით და ყოველთვის ხალხის მტრად ვაცხადებდით“. თვით ამხ. პილლიქეტი, ამერიკის წარმომადგენელი ინტერნაციონალურ სოციალისტურ ბიუროში, და მასთან, რაღა თქმა უნდა დიდი ათეისტიც, ახლად დაარსებულ საზოგადოებას მხოლოდ პატივისცემით და ქება-დიდებათ იხსენიებს. თქმა არ უნდა ამ საოცარ მოვლენის მიზეზი თვით ეკლესიის სახელმწიფოსადმი განწყობილებაში უნდა ვეძიოთ. აქ დიდი ხანია ეკლესია განცალკევებული არის სახელმწიფოსაგან; ეკლესიამ თავის საკუთარ ძალ-ღონით უნდა იმუშაოს, სახელმწიფოსაგან ის გროშ-კაპეკსაც ვერ მიიღებს, როგორც უნდა უქირდეს. სულიერ მამის შემოსავალი საღვთისმეტყველებით დამოკიდებულია ეკლესიის წევრთა თავისუფლ ნებაზე. ამის გამო აქ ეკლესია „სამუშაო ქარხანად“ გადაიქცა, რომლიდან სამღვდლოებამ სამუშაო ქირა უნდა გამოიტანოს. დღეს მას ნაკლებათ აინტერესებს სულის ცხონების და განსპეტაკების საქმე; უფრო მეტ მნიშვნელოვანი კითხვა აქვს გადასაწყვეტი: „როგორ მოვიზიდო ხალხი ეკლესიაში—და მათი გადასახდით თავი ვიჩინო? იგი დარწმუნდა, რომ ძველი, დახვეწილი ქადაგობა აღარ შევლის, რის გამო საჭიროა რაიმე ახლის, მეტ ცხოველ-მოუთხრობის ქადაგებით ხალხში გასვლა. ახალი კი—მან დაინახა სოციალიზმის გავრცელებაში და დაცვაში. აწევარად, ეკლესია სააგიტაციო არენათ გადაიქცა და სოციალურ პარტიის სააგიტაციო ტაქტიკა საღვთისმეტყველებით მიიღო. დღეს, მაგალითად, ნიუიორკში, ბროკლინში და სხვაგან ეკლესიის კათედრიდან სოციალიზმის ქადაგება გაჩაღებულია; ქადაგებენ, როგორც სამღვდლოება, ისე სოციალისტურ პარტიის წევრები. აქედან ცხადია, თუ რა დიდი განსხვავება ყოფილა აქაურ და გერმანია-ავსტრიის სამღვდლოების შორის. დასახლებულ სიეზზე „ქრისტიანულ-სოციალისტური საზოგადოების“ მესვეურნი პირდაპირ ამტკიცებდნენ კლასთა ბრძოლის აღიარების საჭიროებას და მით გერმანია—ავსტრიის კლერიკალთა პროგრამა-ტაქტიკის უფარგისობას და შეუწყნარებლობას ადასტურებდნენ. მაგ. ერთი მღვდელი—ორატორი, გვარად ბაილი, კრებას გრძელ სიტყვაში ურკვევს, თუ რა საჭიროებას წარმოადგენს სოციალიზმის საქმის დასაგვირგვინებლად კლასთა ბრძოლის აღიარება. ეპისკოპოზი სპალდანგი უტაჰიდან, ამ საზოგადოების წევრი, წერილით მიჰმართავს კრებას, სადაც ამბობს, რომ კლასობრივი შეგნების გაფრცელება მშრომელ მასსაში უმთავრესს მიზნად უნდა იქნას „ქრისტიანულ-სოციალისტურ საზოგადოების მიერ“ დასახულიო. მეორე ორატორი, მღვდელი ვილსონი ნევადაიდან, აუწყებს კრებას, რომ ჩვენმა საზოგადოებამ მაშინვე უნდა შესწყვიტოს არსებობა, როგორც კი კრებას კლასთა ბრძოლის უარყოფის

*) იხ. ჩვენი კვლის № 6

საფრთხე მოადგებაო. სივრცეში შეიმუშავა თავისი პროგრამა, რომლის ნაწყვეტი აქვე მომყავს, რადგან ეს ადგილი ამ საზოგადოების მიზანს, მსოფლ-მხედველობას გვაძლავს. თვით საზოგადოება, რომ სიტყვა „სოციალისტური“ უფრო მკაფიოდ იქნას გამოთქმული, იღებს სახელს: „სოციალისტურ-ქრისტიანული საზოგადოება“. აი, პროგრამის დამახასიათებელი ადგილიც:

„ვიღებთ რა მხედველობაში მცნების „ქრისტიანულ სოციალიზმის“ პოლიტიკურ მნიშვნელობის სხვა და სხვაობას, ვაცხადებთ, რომ ამერიკის „სოციალისტურ-ქრისტიანული საზოგადოება“ როგორც აზროვნებით, ისე მოქმედებით, განირჩევა ევროპაში არსებულ, აგრეთვე წოდებულ „ქრისტიანულ სოციალურ“ პარტიებისაგან. ჩვენი მოძრაობა არაფრის გზით არეული არ უნდა იქნას ნახევრად ფილანტროპიულ და ნახევრად რეფორმატორულ მოძრაობასთან, რომელსაც ევროპაში ეწევიან. ჩვენ მოძრაობას არამც თუ კავშირი არა აქვს იმ მოძრაობასთან, არამედ პირიქით ჰგომბს და ჰკიცხავს ეგრედ წოდებულ „ქრისტიანულ-სოციალურ“ მოძრაობას გერმანია-ავსტრიაში, რომელიც ანტი-სოციალისტურ და ანტი-ქრისტიანულ მოქმედებას ეწევა და რომელიც ყოველი ღონის ძიებით ებრძვის სოციალ-დემოკრატიას, ამ მუშათა კლასის პოლიტიკურ მოძრაობის გამოხატველს. „სოციალისტურ-ქრისტიანული საზოგადოება“ იცავს სოციალიზმს პირობების დაუდებლათ. ის არ სცნობს არავითარ სპეციალურ ფორმას სოციალიზმისას, ანუ განსაკუთრებულ ხასიათს ქრისტიანულ სოციალიზმისას. სოციალიზმი, რომელსაც ის ქადაგებს, არაფრით არ განსხვავდება ინტერნაციონალურ სოციალისტურ მოძრაობისაგან. „სოციალისტურ-ქრისტ. საზოგადოებას“ არა აქვს მიზნად ახალ პოლიტიკურ პარტიის დაარსება, არამედ იბრძვის და იცავს სოციალისტურ პარტიის პროგრამას და პრინციპებს. საზოგადოების წევრები სოციალისტურ პარტიის წევრებად უნდა ჩაითვალოს; მისი მოქმედება და გავლენა სოციალისტურ პარტიის სარგებლობისაკენ უნდა იქნას მიმართული. საზოგადოებაში შესვლისთვის არ იქნება სახეში მიღებული სარწმუნოებრივი მიდრეკილება. საზოგადოების დაარსება, როგორც განცალკევებული ორგანიზაცია, საჭიროა მისთვის, რომ სოციალისტურ იდეების გავრცელება ეკლესიის და სხვა რელიგიოზურ-ინსტიტუტის წევრთა შორის დაჩქარებულ იქნას. საზოგადოება სიამოვნებით იღებს თავის წრეში, განურჩევლად რწმენისა და ეროვნებისა, ყველა პირთ, ვინც კი განაცხადებს სურვილს; მასთან წინადადებას აძლევს სოციალიზმის გავრცელების საქმეში ეკლესიის საშუალებითაც შესაფერისი ღვაწლი შეიტანონ“...

აი, როგორი გზა ამოუჩვენია ამერიკის სამღვდლოებას. ცხადია ამ სამღვდლოების მიერ დაწყებული საქმე სიმშატიურია და სოციალისტური პარტია ამგვარ მოქმედებას თანაგრძნობით მოეკიდება; მხოლოდ ამასთანავე იგი ეცდება, მანამ ხალხს საკმარისად არ შეუფინა

თავისი ინტერესები, სამღვდლოებას მოქმედების სასტიკი თვალ-ყური ადევნოს და ყოველი მისი ნაბიჯი კრიტიკის ქარ-ცეცხლში გაატაროს.

მ. მაგალობლიშვილი.



გაუპატიურებული.

ლაფვარდოვანსა ცაზე ციმციმით
მოსცურავს მთვარე სხივ—მომფინარე,
მკერდ—გადაშლილი მთა, მინდორ—ველი
გაჰყუჩებია მთვარეს მცინარე.

კეკლუც ნიავეა ტურფა წალკოტსა
უწყო ლაქუცი, ტკბილად მოჰბერა;
მგოსან ბულბულმა გრძნობიერებით
სიყვარულისა ჰანგზე დაჰმღერა.

ცელქმა ნაკადმა მოკამკამემა
ბულბულის ყეფას მისცა დასტური,
ხეების რხევამ, ფოთოლთ შრიალმა
ციურის ხმებით დაუტკებს ყური.

ცხადად ვხედავდი და ცხადად ვგრძნობდი,
რო მე მესხმოდნენ ოცნების ფრთებით
და მიწოდებდნენ უცხო რამ მხარეს
ტკბილნი, ნეტარნი, ამო წუთები.

მეც ვმორჩილებდი გაღალატებული
ტურფა წიაღში მსწრაფლ ვინთქმებოდი,
ვგრძნობდი სიამეს, ნეტარებასა,
ვარდ-ბულბულთ ეშხით მთლად ვითვრებოდი.

მავიწყდებოდა ფლიდი ცხოვრება,
მისგან ნასხური ბაღლამი მწარი,

მდუმარებითა გულ-მოხიბლული
ტურფა მიდამოს ვკერძო დამტყდარი

მაგრამ ბუნების ტკილ ჰარმონია
უცბად დაირღვა ერთის მიზეზით:
ასული ტურფა მოიკრა ჩემსკენ
ლაწვების ხოკით, თმებისა წეწით.

ტანთ სამოსელი შემოხეოდა,
აქა-იქ უჩნდა ტიტვლად სხეული,
და ფეხ-შიშველი, თმა-გაწეწილი
თითქო აჩრდილად იყო ქცეული.
იგი მოსთქვამდა: „ბედკრულო თავო,
წამი ნეტარი არ გღირსებია,
მხოლოდ უგულო, ვერაგ კაცთაგან
შეურაცხყოფა მარად გრგებია!

ჩემი ცხოვრება ყოვლად ფუჭია,
არ რა მშენია მე ამა სოფლად:
ვინც-კი მებადა, ვის შეენატროდი,
მზაკრულად მოჰკლეს, დავდივარ ობლად!

ბოროტსა კაცსა ესეც შეშურდა:
ურცხვად შემახო ბინძური ხელი...
ნამუს — ახილი დავიარები,
რას ველოდები, რაღას მოველი?“

იმისი მოთქმა, მისი გოდება
გულის სიღრმეში შეიკრებოდა,
და საოცნებოდ შესხმული ფრთები
მსწრაფლ მშორდებოდა, წამსვე ჰქრებოდა.

ველარ მხიბლავდა ცა მოკაშკაშე.
და მობიბინე ტყე, მინდორ-ველი,
გულის მიგმირავდა, ვითა ლახვარი,
ბედკრულის კენესა, ცრემლთა მფრქვეველი.

მსურდა ქარიშხლად მე გარდაქცევა,
რომ წარმეხოცა ბილწთა ქვეყანა,
მაგრამ... ვგრძნობდი ჩემ უძლურებას
— დღეს მათი სუფევს წყეული ხანა.

დ. თურდოსპირელი.

შურნალ-გაზეთივიდან.

პოლკ. ლიხაზოვის შესახებ. შაჰის უკანასკნელ
დროის სასხლის მღვრელ გამოლაშქრებას მეჭვლისისა და სხ-
ლის წინააღმდეგ, რამაც უკანაშენა მთელი განთავსებული
კატაბინობა, ამ გამოლაშქრებას — როგორც იცით — მეთაუ-
რობდა რუსის სამსახურში მყოფი რუსი პოლკოვნიკი ლიხა-
ზო, რომელიც „ითვლება რუსის მომქმედ აზმისის სიაში და
სხარსეთშია წასული რუსეთის მთავრობის ნება დართვით“.
ამ გარემოების შესახებ გაზ. „რეია“ (№151) შემდეგ ს-
გულისხმვით სტრატეგიებს სწერს:

„ოდესღაც რუსეთი თავის მსოფლიო მოწოდებათა
სთვლიდა ყველა მუშაობაზე ხალხის დამშვიდებას და ყველ-
გან იმ წესიერების დამყარებას, რომელიც სუფევდა თვით
რუსეთში. ამან რუსეთს მოუხვეჭა „ევროპის ჟანდარმის“
სახელი და კიდევ საერთაშორისო ბევრი გაჭირვება. ეს ერ-

თი ხანია, კაცი იფიქრებდა, რომ რუსეთმა სამუდამოთ
რი სთქვა ასეთ მოწოდებაზე... მაგრამ ლიხაზოვის მოქმედ-
ება სხარსეთში ფიქრებს გვიღვიძებს: მართლა კი უარყოფ-
რუსეთმა ჟანდარმის როლი? იქნება მან მხოლოდ სცენა გა-
მოიყვანა და თვისა მოქმედების ასპარეზი ევროპიდან გა-
დაიტანა აზიაში“.

„საკითხავი აი ეს არის“. ევროპის პროგრესული ზრ-
სა ამაზე გადგმით უზარეუებს „კიო“.

ეს რას ნიშნავს?

ამ სათაურით ინგლისური ს. დ. ორტანო „putice“
(„ვასტის“) 27 იანვარს თარღით სწერს:

„უცნაურია აგრეთვე, რომ ბერმანის პრესა მართლა მა-
ლიან გაბრაზებულია დიდი ბრიტანიისა და რუსეთ შორის
ჩამოვარდნილ შეთანხმების გამო. ჩვენ დიდად წინააღმდეგობა
ვართ ამ შეთანხმება-პორიგებისა და ვფიქრობთ, რომ იგი
მავნებელი და დამამცირებელ-დამაქციებელია ჩვენი ქვეყ-
ნისათვის, და იმავე დროს საზიფათოა მთელი ევროპის პრო-
გრესისთვის. მხოლოდ უცნაურია, რომ სამ დიდ სახელმწი-
ფთაგან, მხოლოდ გერმანია არის გააფთრებული ამ სამთა
კომპინაციის წინააღმდეგ. ავსტრია-ჰუნგარი და იტალია
ამას სრულიად დამშვიდებით შეგვდენ. რას ნიშნავს ეს?
ჩვენმა ძმებმა ბერმანის სოციალდემოკრატიულ პარტიიდან
ხმა უნდა ამოიღონ, საესებით უნდა გამოთქვან თავისი აზრი
და მით მანვემარტონ ეს მდგომარეობა. ყველა ქვეყნების
სოციალდემოკრატია არის ერთი-ერთი ნამდვილი მშვიდო-
ბიანობის პარტია“.

ინგლისის სამღვდლოებაზე. ამას წინათ ინგლისში
მომხდარ სამღვდლოების (სიგლიკანურ ეკლესიის) კონგრესის
გამო იგივე ჟურნალი სწერს:

„უკანასკნელ ორშაბათს სოციალიზმი, ნამდვილი, დაუმა-
ხინჯებელი სოციალ-დემოკრატია აღიარებულ იქმნა... წარ-
მოების ყველა დიდ საშუალებათა და იარაღების სოციალი-
ზაცია მთელი ხალხის საკეთილდღეოდ ენტუზიაზმით იქნა მიღ-
ებული; კლასთა ბრძოლაც აშკარათ იქნა აღიარებული... რა,
და საკვირველია, თუ ლიბერალური პრესა სდუმს იმაზე,
რაც იქ (კონგ.) იყო ნათქვამი. რასაკვირველია, ჩვენ ვიცით,
რომ ერთი ასეთი კრება კიდევ არ ნიშნავს ინგლისის მთელი
ეკლესიის გადაბრუნებას. მაგრამ ეს ნიშნავს იმას, რომ ეკ-
ლესიის აქტიურ და მოზარდ ნაწილს სძაღდება ეპისკოპოსე-
ბის ტუტყიანი ფულის-ფხვკვა და მღვდლების სულმდაბალი
ფოფხვა მამონის წინაშე. მით უკეთესი!“
დაახტე, რომ მით უკეთესი!

პროპინცია.

დ. ხონი. პარკობის დრო ხონში ყველასათვის სა-
ნატრელ დროთ ითვლება, რადგან ის ხონს თვალსაჩინო
შემოსავალს აძლევს. მაგრამ წინა წელთან შედარე-
ბით, წლეწანდელი წელი ბევრათ ნაკლები არის; შარშან
ფუთი ნედლი პარკი თუ 20-ან 22 მანეთამდე და მეტიც
ღირდა, წელს კი 11-დან 15 მანეთამდე ძლივს აწევს
(პირველ ხანებში 8-დან 10 მანეთზე მეტი არ ფასობდა).
წელს პარკის ასეთი დაბალი ფასების მიზეზი არის მარ-
სელში ფასების დაცემა (გაზ. „ამირ.“ მოთავსებულ კო-
რესპოდენციის ცნობით მარსელში პირველი ხარისხის
ერთი ფუთი გამხმარი პარკი ფასობს 49 მან., მეორე
ხარისხის კი — 45 მ.). მაგრამ პარკის მყიდველებმა პარ-
კის მომწვევ სოფლელებს არ აკმარეს ასეთი დაბალი ფა-
სები და ფუთზე ერთიდან ორ გირვანქამდე და ხანდის-
ხან მეტსაც უსინდისოთ აკლებენ წონაში.

ადგილობრივმა კომისიამ, რომლის მოვალეობას შეადგენდა სასწორების თვალ-ყურის დევნება, ბევრი ვერაფერი გააწყო, რადგან მყიდველები მთელი თავისი ამაღლა ჩარჩებით ყოველივე ხრიკებს ხმარობდნენ სოფელ-ლების მოსატყუებლათ. აი მაგალითათ რა ხრიკებს ხმარობდნენ და ახლაც ხმარობენ: ხონში არსებობს საზოგადო სასწორი, სადაც ყოველ დღე მორიგეობდნენ კომისიის წევრები და გამყიდველებს პარკს უწონილენ. მყიდველებს ეს რასაკვირველია არაფრათ მოწონდათ და ძლიერ იშვიათათ ყიდულობდნენ იქ მიწონილ პარკს და ისიც თუ ცოტა ნაკლებ ფასში მიცემდნენ. ზოგიერთი მყიდველები პირდაპირ ეუბნებოდნენ: „თუ ჩემ კაზარმაში წამოხვალ და იქ მომიწონ პარკს, მაშინ 15მ ანეთს მოგცემ ფუთში, და თუ აქ კომისიის წევრებს მოაწონებ, მაშინ კი 13 ან 14 მანეთსა“. გამყიდველების უმრავლესობა, მიუხედავად იმისა რომ ყოველ ფეხის ნაბჯზე ჩასჩაჩინებენ მათ, —იქ კაზარმაში წონაში მოგატყუილებენ და იმისთვის გაძლევენ მეტსო, მაინც ტყუილდებოდნენ ფუთზე 50 კაპ. ან 1 მანეთის მომატებით და თანხმდებოდნენ მყიდველების უსიკრებელი წინადადებაზე, რის გამო ერთს და ორს არ აცრემლებია თვალები, მაგრამ გვიანდა იყო. წონაში მოტყუილებით ისახელა თავი გიორგი მაქარაძემ. როდესაც ეს ვაჭარები კომისიის ორმა წევრმა დაიჭირა მის ონბაზობაში, პარკში დობრლებ მოსული გამოვიარდა კარში და ისეთი უშვერი სიტყვებით დაიწყო ლანძღვა-გინება, რომლის გაგონებისაც კი შერცხვება ცოტათ თუ ბევრათ რიგიან და პატროსან კაცს. ბოლოს კომისიის წევრებმა მოიყვანეს ბოქაული და შეადგინეს ოქმი. წარსულ კვირაში სამსახურიდან აღმინისტრაციამ დაითხოვა და ხონიდან გასვლას წინადადება მისცა ადგილობრივ ფოსტა ტელეგრაფის უფროსს ი. გოგიტიძეს. ეს უკანასკნელი ხონში მეტათ უწყინარ და პატროსან ადამიანათ ითვლებოდა სულყოფილს თვალში. ი. გოგიტიძის დათხოვნის მიზეზათ ხონში დაჟინებით ასახელებდნენ აქ სასამართლოს ბოქაულათ ყოფილს კაქარავას, რომელსაც, რაღაც პირადი ინტერესის გამო უნდა ეჩივლოს გოგიტიძეზე გუბერნატორთან. ამის გამო ხონელებმა 22 ივნისს გაგზავნეს დეპუტაცია გუბერნატორთან, რომელსაც აღუთქვამს გამოძიების დანიშვნა. ენახოთ რა შედეგი მოყვება გამოძიებას.

ივ. იძე.

გურიი. ვინ არ იცის, თუ როგორ აბუჩად აგდებული და დამცირებულია კაპიტალისაგან ჩვენებური სოფლის მეურნე, რომელსაც არ გააჩნია თითქმის არაერთარი საშუალება პირველიან ბაძოლისა... მაგრამ არაოდეს ისე მწვავეთ არა გრძნობს ამას ის, როგორც პარკის მოსავლის დროს. აი პარკი მოგროვილია; პატრონმა უნდა გაიტანოს ის ბაზარზე, გასასყიდათ; მას ფული ესაქიროება; უიმშილი თუ სხვა რამ მიუცილებელი მოთხოვნილებები კარგხეა და ითხოვენ გაუხანგრძლივე-

ბელ დეკაყოფილებას; თანაც პარკი სიმძიმეს დღითი დღე კლებულობს... ყველა აქ თქმულიდან ცხადია, სოფლელი ისწრაფის ბაზრისაკენ, რომ რაც შეიძლება ჩქარა მიასალოს ვაჭარს თავისი საქონელი, რადგან ამ შემთხვევაში სხვა გამოსავალი აღარ არის. ყველა ეს ჩინებულათ ესმით ჩვენებური სოფლის წუბრებებს და ისინიც მზათ არიან თავიანთი უპირატესობით ამ შემთხვევაში ფართოთ ისარგებლონ. არავითარ საშუალებას არ ზოგავენ, რომ ბაზარზე ამ დროს მაქტო ისინი დარჩენ, რომ „გარეშე“ მეტოქე ხელს არ უშლიდეს იმათ მგლური უმადლობით აღსაგეს მოქმედებას. წარსული წლების მაგალითებიდან ვიცით, რომ ისინი შანტაჟსაც ხმარობდნენ მსხვილი მოვაჭრის წინააღმდეგ, ოღონდ კი ეს უკანასკნელი ჩამოეშორებინათ თავიდან. ათასნაირ ხმებს მსხვილ ვაჭართა საგულისხმოდ — „გურიიში არ შეისვლება თავდასხმის შიშითა“ და სხვ. — ხომ კიდევ უმთავრესათ ეს ვაჭარებები ავრცელებენ. რათა თავისთავათ ცხადია იმიტომ, რომ მთელი სარგებლობა მშრომელი ხალხის ნაშრომ-ნაშაგისა თვითონ ჩაიგდონ ხელში. მერე არ იკითხვათ, რითი გამოდიან ეს ვაჭარები ბაზარზე? უმეტეს შემთხვევაში ყალბი სასწორებით, ცალიერი დავთრებითა და ჩეკებით. ფულის ათთერთმეტი დღის შემდეგ და ხშირათ უფრო გვიანაც თუ ელისრები პარკის პატრონი, რადგანაც ფულის ვაჭარები უმეტეს შემთხვევაში სოფლელებისგან ეგრეთ წოდებული „მაზანდაზე“ დატოვებულ პარკის დაზღვევადავირავებით თუ სხვა რამ ამის მგზავსი საშვალებით შოულობენ. წონაში მოტყუებას, დაკლებას, საქონლით გასტუმრებას თუ ასეთ წვრილ ყალბობანდობას ხომ დასასრული არ უჩანს. აი ყველა ის პირობები, რომლებითაც გარემოცულია პარკის მოსავალი ჩვენში.

ჩარჩული აღვირ-ახსნილი მოქმედება, რომ ოდნავ აილაგმოს, აუცილებელი საჭიროა, გურიის სხვა საზოგადოებებშიც მიბაძონ ბაზვის საზოგადოებას და გამართონ საზოგადო ფარდულები პარკის გასახმობათ.

ნარ-ქანი.

ცოტა რამ ქართულ მსატყურელ ლიტერატურას.

II.

როცა პოლიტიკური ბრძოლა იყო გაჩაღებული, უმთავრესი როლიც იმას ეჭირა ცხოვრებაში და ცხოვრების დანარჩენი დარგები კი დაჩრდილული იყო მისგან. მაშინ თუ სულ მეტათ არა, უადგილოთ მაინც ჩაითვლებოდა ჩვეულებრივ კულტურულ მუშაობაზე ფიქრი.

დღეს პოლიტიკურ ცხოვრების ბარომეტრმა შესამჩნევათ დაიწია ძირს, მაგრამ სამაგიეროდ გაიზარდა სხვა და სხვა გვარი კულტურული მუშაობის მოთხოვნილება.

დღეს ჩვენი მოქმედება და შრომა დაეძებს ახალ ასპარეზს; ჩვენი გონებრივი, ზნეობრივი და სულიერი გემოვნება კი თხოულობს ახალ საზრდოს და ჩვენც უნდა

ვეცადოთ ამ ასპარეზის გაფართოვებას, ამ საზრდოს მოპოვებას.

მხატვრული ლიტერატურა კი, როგორც შევნიშნეთ პირველ წერილში, არის ერთი უმთავრესი სულიერი საზრდოთაგანი და მისი უქონლობა ჩვენთვის დიდ ნაკლად უნდა ჩაითვალოს.

აქ უნდა თავი გავანებოთ თეორიულ მსჯელობას და პრაქტიკულად უნდა დაისვას კითხვა თუ როგორ და რა გზით შეიძლება ამ ნაკლის რამდენიმედ მაინც შევსება?

კითხვა შეიძლება სამგვარად განაწილდეს:

- 1) „მიეცეს ნიქსა გზა ფართო“.
- 2) მოეწყოს საფუძვლიანად რაიმე გამომცემლობა.
- 3) გაფართოვდეს მკითხველთა წრე.

დღეს ჩვენში არც ერთი ეს პირობა არ არსებობს იმდენად, რამდენადაც ეს აუცილებელია ლიტერატურის არსებობისა და მის ზრდისთვის.

როცა ჩვენ მწერლებს შეეძლება საესებით გააშლევინონ ფრთა თავიანთ ნიქსს; როცა ეს ნიქი აღარ იქნება შთანთქმული ცხოვრების ყოველ დღიურ წვრილმან კითხვებში ლუკმა პურისათვის ზრუნვაში და კაცს შეეძლება სულითა და გულით იმუშაოს იმ ნიადაგზე, რომელზედაც მოვლის ზრდა და აყვავება მის ძალსა და შემოქმედებას.

როცა რაიმე გამომცემლობა ისე მოეწყობა, რომ ყოველი წიგნის გამოცემაზე მას არ მოელოდეს გაკოტრება და ლიკვიდაცია და შეეძლოს აინაზღაუროს თავისი ხარჯი და გაწეული შრომა.

როცა ჩვენი მკითხველი საზოგადოება*) ისე გაიზრდება, რომ ის შესაფერ ზნეობრივ და ნივთიერ დახმარებას გაუწევს ჩვენ მწერლობასა და გამომცემლებს იმათი შრომის დაფასებით, მაშინ ჩვენი ლიტერატურაც დაადგება განვითარების ახალ გზას და იმედია შესაფერ ნაბიჯებსაც გადასდგამს.

მაგრამ ვინ უნდა ითავოს ეს საქმე? ვის შესწევს ამისთვის ძალა?

ცალკე კაცს ჩვენში არავის არ შესწევს ამისთვის ძალა, რამე ახალ საზოგადოებაზე ლაპარაკი მეტია, რადგან წინადაცე შეიძლება იმის თქმა, რომ ეს დარჩება ხმად მლაღადებელთა უდაბნოსა შინა.

თუ ჩვენა გვკითხავთ, ყველას ჩავთვლიდით მოვალედ ხელი მოემართა ამ საქმისთვის, ვინც კი ცოტაოდენად მაინც შეეხება საზოგადოებრივ საქმეს, მაგრამ ეს მოვალეობა მაშინ შეიძლება დააკისრო ადამიანს, როცა თვითონვეა დარწმუნებული, რომ მართლა მოვალეა, უიმისოდ მას ვერ აიძულებ ამის შესრულებაში, რადგან

* ჩვენ აქ სახეში გვყავს არა მომავალი მკითხველი საზოგადოება, ეს საერთოდ კულტურის განვითარებისა და მრავალი წლების საქმეა, არამედ ის, რომელიც უკვე არსებობს ეხლა, მაგრამ შესაფერი საზრდოს უქონლობის გამო, მისი ერთი ნაწილი ეწაფება რუსულ და სხვა ქვეყნების ლიტერატურას და მეორე კი დაქსაქსულია ჩვენ დღევანდელ ფრიალ დაბალხარისხოვან ლიტერატურაში.

ამისთვის არაფერი იურიდიული ძალა არ გიმაგრებს ზურგს.

მაშ ჩვენ უნდა მოვსძებნოთ ისეთი დაწესებულება, რომელიც უკვე არსებობს, და რომელზედაც უფლება გვაქვს დავაკისროთ ეს მოვალეობა. ესეთ დაწესებულებათ ჩაითვლება წერა-კითხვის საზოგადოება.

მართლაც ვის შეუძლიან ამ საქმის მოწყობა და მისი გაძღოლა თუ არა წ.-კ. საზოგადოებას. იკითხავთ როგორ?

მას შეუძლიან ცალკე განყოფილება დაარსოს, რომელიც მოჰკიდებს ხელს საუკეთესო ნაწერების გამოცემას ან ცალკ-ცალკე ან ლიტერატურულ კრებულებად, როგორც „Сборникъ Знанія“ და სხ.

მისი ნივთიერად უზრუნველ-ყოფა შეიძლება სხვა და სხვა გზით:

შეიძლება განსაკუთრებული წარმოდგენები და სერიოზობა გაიმართოს მის სასარგებლოთ.

შეიძლება წ.-კ. საზოგადოებამ მისცეს ნაწილი თავის შემოსავლისა.

ან კიდევ ილიას ფონდი.

თუ საესებით არა ამ ფონდის ნაწილი მაინც შეიძლება გადაიღოს ამ საქმისათვის და ეს კი იქნება ილიას უკდავი ძეგლი; ეს იქნება სურნელოვანი ყვავილი მის საფლავზედ დარგული; ეს იქნება დავიერგვინება იმ დიდი წმიდა საქმისა, რომლისთვისაც დღეს პატივსა სცემს ილიას ქართველი ხალხი.

თუ წ.-კ. საზოგადოებამ ითავა ეს საქმე, ამითი ის ჩვენ მწერლებსაც დიდ დახმარებას გაუწევს და მკითხველ საზოგადოებასაც შემოიკრებს თავის გარშემო, რადგან ქართველები, განურჩევლად კლასისა და მიმართულებისა, ყველა სიმპატიურად უყურებს ამ დაწესებულებას და დარწმუნებულიც იქნებიან, რომ ის მათ უხეიროს არაფერს არ მიაწვდის. ეს კი ღირსეულ დახმარებას გაუწევს ჩვენ ლიტერატურას და დიდი გავლენაც ექნება მის მომავალ განვითარებაზე.

ცხადია ჩვენ ისე ოპტიმისტი არა ვართ, რომ ეფიქრობდეთ, ვიღომ, როგორც ზღაპრული იერიქონის ვარდი ერთი ცვარის დაცემისთანავე ახლად იფურჩქნება, რაც გინდა დამქნარი იყვეს, ქართული ლიტერატურაც ერთბაშად წარმოდგეს ფეხზე და მიალწიოს განვითარების უმაღლეს წერტილს. არა, იმისთვის ბევრი ეუყუნა წვიმა კიდევ საჭირო, ბევრი მორწყვა, რომ ოდესმე შესძლოს თავისი დანიშნულების შესრულება, მაგრამ ზემოდ ნახვენები გზა კი ხელს მოუმართავს მის საერთო ამალეობასა და განვითარებას.

არის კიდევ დაწესებულება, რომელიც თითქმის ზრუნავდა ჩვენი ლიტერატურის აყვავებაზე. ეს არის ქართ. ღრამატ. საზოგადოება, ის 7-8 წელიწადია ყოველ-წლივ აცხადებს სამ პრემიას საუკეთესო ღრამატიულ ნაწერებზე.

სულ დანიშნული პრემიების ჯამი 4,000 მ. აღემატება. აქედან მხოლოდ ერთად ერთ დ. ნახუცრიშვილს

ალირის პრემიად 100 მ. დანარჩენი კი უბრალო გაზეთურ განცხადებად დარჩა და არაფერი შედეგი მას არ მოჰყოლია.

ამ პრემიების დანიშნულება საერთოდ ასე გვესმის: როცა ყოველწლივ ინიშნება სამი პრემია, მაშინ ყოველ წელიწადს წარდგენილი ნაწერებიდან არჩევენ შედარებით სამ საუკეთესო ნაწარმოებს და აჯილდოვებენ მათი ღირსების დავაარად. დრამატიული საზოგადოება კი ასე არ სჩადიოდა, და ამ შემთხვევაში არ იცის კაცმა, საზოგადოების ისეთი მოქმედება მოტყუებად ჩასთვალოს, გაუგებრობად თუ დაუდევრობად.

იმედია წ.-კ. საზოგადოებაც არ მიჰბაძავს დრამატ. საზოგადოებას და ჩაილულის წყალს არ გაატანს ამ ფრიად საყურადღებო კიბხვას მეტადრე მაშინ, როცა ეს კითხვა პირდაპირ იმას შეეხება.

ლავ. მეტრეველი.



მასწავლებელი.

(მოთხრობა,*)

III

ნიკო, სანამ ის ცხოვრების მორევში შეცურდებოდა, მანამ ტბილი ოცნებებით და ილიუზიებით იკვებებოდა; აღფრთოვანებული და გატაცებული, ის მუდამ ცაში დაფრინავდა და ძირს, ცოდვილ, ბიწიერ და ტალახიან დედა-მიწაზე ფეხის დადმას ყველანაირათ ერიდებოდა. ცხოვრებას, ხალხს და თავის მომავალს ის საოცნებო, ახალ-გაზღვრი სათვალეებით აცქერდებოდა, საიდანაც მას თვალ-წინ გონების წარმტაცი სურათები ეშლებოდა.

ნიკო ხშირათ ოცნებობდა თავის მომავალ მიჯნურზედაც, რომელსაც მისი კირი და ლხინი უნდა გაეზიარებინა და აფერადებული ყვავილებით დაფენილ ცხოვრების გზაზე საფლავის კარებამდე მიეყოლოდა; მას გულში ხატათა ჰქონდა ჩასვენებული მისივე მკვირცხლი ოცნებით წარმოშობილი იდეალი მიჯნურისა, რომელიც მას თავის მომხიბლავი სილამაზით და გულის ტბილათ ამჩქროლებელი ღიმილით თავისაკენ მძლავრათ იზიდავდა. ნიკო ღრმათ დარწმუნებული იყო, რომ თავის იდეალის განხორციელებას მართლაც იპოვდა და მასთან ერთად ბედნიერათ დალევდა სიცოცხლეს.

მაგრამ მას სინამდვილემ აქაც უმტყუნა და მწარეთ დასცინა; ცხოვრების ბოხოქრობამ და მისი ტალღების ტრიალმა ის აქეთ-იქით მიახეთქ—მოახეთქეს, ააქანდაქანეს და მარგალიტი ოცნებები და ილიუზიები მოულოდნელათ მიუფანტ-მოუფანტეს. ნიკომ ვერ იპოვნა თავისი იდეალი; ამისათვის ის უმწეო და უძლური აღმოჩნდა, ის იძულებული შეიქმნა თავისი მომავალი ბედ-ილბალი სხვებისათვის და ბრმა შემთხვევისათვის ჩაეხარებინა.

ნიკოს ბედმა არგუნა თვრამეტ-ცხრამეტის წლის, დედ-მამით ობოლი, ელენე; შავ-თვალ-წარბა, მიმზიდველი ბადრი სახით, წარმოსადგენი, ლერწამის ტანით ის ლამაზ ქალად ჩაითვლებოდა. გაუფურჩქნავი კოკორივით ნორჩი, კდემ-მოსილი და ნარნარი ელენე მოულოდნელი ბედნიერებით თავდაფიწყებული მთელი თავის არსებით ნიკოს მიენდო, რომელსაც ის ზეციდან ჩამოფრენილი მხსნელივით მოევიწიდა.

არც ნიკო იყო მომღერავი თავის ბედისა. უბატრონობაში და ობლობაში ბიძებთან შინაურულათ აღზრდილი ელენე, თუმცა უსწავლელი და განუფრთხილებელი იყო და ამ მხრივ გაცილებით დაბლაც იდგა ნიკოზე, მაგრამ ეს უკანასკნელი აფასებდა მის აღამიანური გრძნობებით ანთებულ გულს, ძვირფასს ხასიათს და მხნეობას, რითიც ის დაჯილდოვებული იყო.

ერთმანეთის სიყვარულით აღფრთოვანებულმა, ახალ-გაზდა გახარებულმა ცოლ-ქმარმა გაბედულათ გადადგეს ნაბიჯი ოჯახური ცხოვრებისაკენ; მათ სიცილ-ხარხარით შეაცურეს თავის ბედის ნაფი აღელვებულ ცხოვრების ტალღებში და მხნეთ შეებრძოლენ მათ მრისხანე სროლას. ისინი უშიშრათ დააქანებდნენ თავის ნავს; მომავალიც მათ თითქოს უღიმოდა...

მაგრამ ყოველ—დღიური, მკაცრი ცხოვრება თავისას არ იშლიდა; ის ახალგაზრდა ცოლ-ქმრის ბედნიერებაში თავის შხამს და გესლს ჩუმათ აპარებდა. მწარე სიღარიბე მათ აღმაფრენას ფრთას აკვეცებდა; მათი აღფრთოვანება თანდათან ნელდებოდა.

უკან-უკან მიდიოდა ღვედრედშიც თებრო რთველიაშვილის ქვრივის ოჯახიც, რომელიც თანდათან ირღვეოდა და იცრებოდა. გლახუას გაჩაღებული ოჯახის კერა ნელდებოდა, თანდათან ცივდებოდა; ქვრივის ოჯახის სასიცოცხლო ძალებს ვალი დაურიდებლათ სწოვდა და მამულის მსუქან ნაჭრებს თავისკენ ეზიდებოდა. უღიმოზელ ცხოვრების კანონებმა თავისი გაიტანეს: თებრო იძულებული შეიქმნა შავი ღლისათვის ორი გროშილა გადაენარჩუნებინა, ღვედრეთს გემოსთხოვებოდა და ქალაქში შეილთან და რძალთან გადასახლებულიყო.

ნიკოს ოჯახიც უფრო და უფრო ირიყებოდა და ღრმათ იფლობოდა ცხოვრების ქაობში. მოვალეები მას აქეთ-იქით ეწეწებოდნენ და სულის მობრუნებას არ აცლიდნენ. ნიკო ყველას ეხვეწებოდა, ელრიკებოდა, ჰპირდებოდა.

ის ყოველთვის ოცს გულის-ფანცქალით მოელოდა; მის შავ-ბნელ ცხოვრებაში „ოცი“ ამომავლ ვარსკვლავივით მოსჩანდა. ხშირათ, ძალიან ხშირათ ოცამდის ღლებსა სთვლიდა და თანაც თავის ოჯახის შესავალ-გასავალს, ღარიბ ბიუჯეტს მეათასეთ ანგარიშობდა; ყოველ ანგარიშის შემდეგ დეფიციტი, ვალები ჯამაგირს ერთი-ორათ სქარბობდა და ყოველ თვე უფრო და უფრო იზრდებოდა.

ნიკო ხედავდა, რომ მისი ნაფი ზღვა-ცხოვრების ზედ-მისეულ ტალღების ხათქა-ხუთქს, ველარ უძლებდა

*) იხ. ჩვენი კვალი № 6.

და გზა-დაბნეული დაღუპვისაკენ მიექანებოდა. ის უფრო და უფრო შმაგდებოდა და სულის-შემხუთავ ხაფანგში მომწყვდეული, გამწარებული აქეთ-იქით ამაოთ აწყდებოდა.

უბატონოს, გამარტოებულ და გარიყულს ნიკოს ხელს არაფერი არ უწყვდიდა; ის ყველას დაეწყვებოდა, ყველას ზურგი შეექცია მისთვის და მის წვა-დაგვას გულ-გრილათ უცქეროდა; ბევრს კიდევაც უხაროდა და კმაყოფილებას გრძნობდა, როცა ნიკოს გარემოებაში თვითონ არ იყო ჩავარდნილი. ნიკო კი ისრბობოდა და თავის გარეშე მოხელმოსაქიდებელ ხავსსაც კი ვერა ხედავდა.

ნიკო ოცნებათა სამეფოს გამოეთხოვა; ის ძალა-უნებურათ ძირს, ცოდვილ დედა-მიწაზე დაეშვა; ის იძულებული შეიქმნა ცხოვრების ტალახიან ბილიკებს თან-დათან გაცნობოდა; მისი ქკუა-გონება მხოლოდ ლუქ-მაზე ზრუნვამ დაატყვევა; ახალ-გაზდური შუბლი მას მზრუნველობით უდროოთ დაეღარა, სახე დაეღვრიმა, რომელზედაც რაღაც გამოუთქმელი ზიზი აღებეჭდა. აბუზულ წიწილასავით ფრთებ დაყრილი, თავ-ჩაღუნული და სახე-მოღრუბლული ნიკო აზრდილივით მოკრძალებით მიდი-მოდიოდა ქალაქის ქუჩებში.

მწარე გაქირვება მას ათახსიჩებდა, ამონებდა და ზნეობრივად ამახინჯებდა. ხალხში ის ხშირათ უმნიშვნელო რამეზე ბრაზდებოდა; სხვებისაგან გაჯავრებული, გარემოებისაგან გამწარებული და ბოლმა-მორეული, ნიკო უდანაშაულო ცოლზე უსაბუთო ჯავრობით ჯავრსა ყრილობდა და ამით გულს იმშვიდებდა. სიღარიბე ცოლ-ქმრულ სიყვარულსაც შხამავდა და ერთმანეთთან დამოკიდებულებას ამწყვავებდა და ამწარებდა.

ქონებრივად დატაკი ნიკო, სულიერათაც დიდ სიღუბნში და შევიწროებას ითმენდა; მას შინაარსიანი სულიერი სიცოცხლე და გონებრივი ვარჯიშობა და მუშაობა სწყუროდა, თავისებურ ადამიანებთან ცხოველი კავშირი და ურთი-ერთობა უნდოდა, მაგრამ საერთოდ დახშული ატმოსფერო და იგივე ნაკლებულობა მის ყველა ასეთ მისწრაფებებს ჰბორკავდენ და გასაქანს არ აძლევდენ. ცხოვრებაში ობოლი ნიკო, სულიერათაც ობოლათა რჩებოდა.

ერთ პატარა ოთახის ქერ-ქვეშ ნიკო, უჩინრათ და ფარულათ ინრაკებოდა სიღარიბის ტაფაზე, როდესაც განმათავისუფლებელმა მოძრაობამ შეარხია რუსეთის სახელმწიფოს უზარმაზარი შენობა, და მძლავრი მუხლუგუნებით ის აქეთ-იქით მიაქან-მოაქანა, როდესაც საუკუნოებით შეკავებულმა ბოლმამ ხალხის გულიდგან მრისხანეთ ამოხეთქა და განცხრომის შეილნი ააფორიაქა.

მოძრაობის აზვირთებულმა ნიაღვარმა ნიკოც ნაფოტივით გაიტაცა; მას არ შეეძლო თავი შეემარგებინა და საერთო ორონტრიალში არ ჩარეულიყო; ისიც თავ-დავიწყებული მიეცა ტალღებს, რომლებმაც დახშული ატმოსფერო გაწმინდეს, ცხოვრებაზე გადაკრული

შავი ზეწარი ჩამოგლიჯეს და ბურუსში გახვეული ნიკოც გამოაცოცხლეს. ხალხის მრისხანე გრგვინვამ ნიკოც აახმაურა და აალაპარაკა.

მოძრაობის ტალღებმა იატაკ ქვეშ ჯურღმულში ჩამწყვდეული სოციალ-დემოკრატიული პარტიაც აზვირთებულ ცხოვრების ზედაპირზე ამოიტივტივეს; ისიც პოლიტიკურ სარბიელზე აშკარათ გამოვიდა, მოძრაობას თავში მოექცა და გარეგოლიუციონერებულ ხალხის ხელ-მძღვანელობა ხელში ჩაიგდო.

საერთო, სახალხო ქირ-ვარამმა ნიკოს თავისი მღვრმარეობა სულ დაავიწყა. მან აინუნშიაც არ ჩასთვლო, როდესაც შეიტყო, რომ ის მასწავლებლობიდან დაიხიხოვეს და ამნაირათ გლახაკური ლუქმაც მოუსხვს; ნიკო პირიქით ამაყობდა კიდევ იმით, რომ ეს ხალხის გულისათვის დაეწარათ.

ნიკო სოფლიდან-სოფლათ დაუღალავათ დაიარბოდა და და მხურვალე პრობაგანდა-აგიტაციას ეწეოდა. ის დიდსულიერ კმაყოფილებასა გრძნობდა, როდესაც ხედავდა, რომ მისი სიტყვები გააზიზიერებულ ნიადაგზე ცვიოდა, ხალხის ბნელ ქკუა-გონებას აღვიძებდა და მის გულს ატოკებდა. ხალხის აღელვებული გულიდან გამოსული და მისგან აღზრდილი შვილი თავის მოქირნახულე მშობლის წინაშე თავის მოვალეობას პირნათლათ ასრულებდა და ამით დიდ ბედნიერებასა და ნეტარებასა გრძნობდა.

მაგრამ ისევე მოულოდნელათ ცხოვრებამ გვერდი იცვალა; გაზაფხულის სანეტარო ღრეები შავ-ბნელი ძაბით პირ-მოქოშულ ღრეებით შეიცვალნენ. ფფერადებული იმედები გატრუდნენ. ხალხის აღტაცება-ბედნიერებას მისი გლოვის ზარი მოჰყვა.

აღელვებული ხალხის ზვირთები ძველი რეჟიმის ზღუდეებს და მათ ციხე-სიმაგრეებს სამკვდრო-სასიცოცხლოთ შეეხეთქნენ და დამარცხებულნი და თავ-ზარდაცემულნი უკუიქცნენ. გულჩახვეულნი ქვეწარმავალნი ხვრელებიდან გამოძვრნენ და შხამიანათ ასისინდნენ; დაიწყა სუსხიანი რეაქცია: დამსჯელი რამები, ხოცვა-ჟლეტა, წვა-დაგვა, ცემა-ტყევა, გაუბატურება, ციხე-ციმბირი და სხვა.

ნიკო ერთ სოფელში დაიქირეს, მხეცურათ სცემეს, აწამეს, შემდეგ საპყრობილეში გამოამწყვდიეს და რამოდენიმე თვის შემდეგ ჩამოყვითლებული ციმბირისაკენ გაამგზავრეს.

IV

—გოგო ელენე, სამოვარი ჩქარა, თორემ თვითონში დამიგვიანდება, უკმების კილოთი უბრძანა მოახლეს ქალბატონმა კატომ, რომელმაც მას სასადილო ოთახში, თეთრ კლიონკა გადაფარებულ დიდ მაგიდის ზევით, მდიდრულათ მორთულ ოქროს ფრად ბეჭყრიალა ქალზე ჩამოკიდებული, ელექტრონის ზარის საშუალებით გამოუძახა.

—ეხლავე იქმნება, ქალბატონო, მოკრძალებით მოახსენა მას მოსამსახურე ქალმა და ისევ ჩქარა გატრიალდა.

— დაგწყველოს და დაგშამათოს ჩემმა გამჩენმა, კარგა შენ აკეთებ საქმეს, ტუზების აწვეით წაიხუტ-ბუტა ნერვებ აშლილმა ქალბატონმა.

ქალბატონი კატო ორმოცის წლისა იქნებოდა, მაგრამ შედარებით მაინც ახალ-გაზდურათ გამოიქვირე-ბოდი; ის ბუნებისაგან სილამაზით არ იყო დაჯილდო-ვებული: დაბალი და სქელი ტანი, აქარხლებული და უშნოთ ჩასუქებული სახე, უაზრო ქრელი თვალები, ქერა წარბები, დაბალი შუბლი, ძირს დაშვებული დიდი ცხვირი და ღიმილი ტუჩები მას არა-სასიამოვნო გამო-მეტყველებას აძლევდნენ. მაგრამ თვითონ ქალბატონი კატო სულ სხვა შეხედულებისა იყო თავის თავზე; მას ეპყიც არ შეჰქონდა თავის სილამაზეში და ზედ-მეტათ ხელოვნურათაც ილამაზებდა პირისახეს, რისთვისაც ფერ-უმარილს და სხვა ათას-გვარ საშუალებებს ხმარობ-და.

მთელი მისი ყურადღება ჩაცმა-დახურვაზე და ძვირ-ფას სამკაულებზე იყო მიქცეული. კოხტად დაკულუ-ლებული წაბლის ფერი ხელოვნური დალაღები, ზურ-გზედ გადაყრილი ასეთივე გძელი კავები, წითელი ხა-ვერდით შემოკრულ თასაკრავზე მოკიმიციმე ძვირფასი ლალის შუბლის ქინძისთავი, კოხტათ ყურ-გადაგდე-ბული დაბასმული ლეჩაქი, ვარდის ფერი ფარჩის ქარ-თული კაბა, მუქი წითელი ფარჩისავე სარტყელ-გულის-პირი, ოქროს ბრასლეტები და თითქმის ყველა თითებ-ზე ძვირფასი ქვებით მოქედილი ბეჭდები და სხვა სამ-კაულები მართლაც ამშვენებდნენ ქალბატონს და მის ბუნებრივს ნაკლს ხელოვნურათ ავსებდნენ.

კატოს ქმარი გიორგი ტურაძე გაქნილი და დახე-ლოვნებული მოიჯარადრე იყო, რომელმაც თავის გაი-ძვირობით და მიაშიტ, გულუბრყვილო მუშების გატ-ყავებით დიდ-ძალი ქონება შეიძინა. გიორგი, რომელიც პატარაობისას უპატრონოთ და ობლათ ღვთის ანაბარათ იყო მიტოვებული, ქუჩამ გამოზარდა. მან თავიდანვე ალღო აართვა უკუღმართ ცხოვრების ტრიალს და სხვე-ბის მოტყუება და გაყვლეფა კარგათ შეისწავლა.

შუა-ხანს გადასული, ქაღარა-გამორეული, რველად ჩასუქებული და ამღვრეულ დიდ თვალებ დაღებული გიორგი მოიჯარადრე მაინც ჩინებულ კაცად იყო ცნო-ბილი; დიდი და პატარა, ღარიბი და მდიდარი, ყველა მას მოკრძალებით თავს უკრავდა და ელაქუცებოდა.

ს. პართენაშვილი.

(შემდ. გი. იქნება).

მეშაბათა მოძრაობა.

ამ დღეებში სავაჭრო სამინისტროს სამრეწველო გან-ყოფილებაში გამოაქვეყნა სტატისტიკური ცნობები 1905 წელს რუსეთის ფაბრიკა-ქარხნებში მომხდარი გაფიცებების შესახებ.

ამ ცნობებში სხვათა შორის ნახვევებია, რომ 1905 წელს იმ ფაბრიკა-ქარხნებში, რომელიც ექვემდებარება სა-ფაბრიკო ინსპექციას, მომხდარა 13,110-ი შემთხვევა გაფიც-ვების; ამ გაფიცვებში იღებდა მონაწილეობას 2,709,695-ი მუშა. 1905-წელს განმავლობაში ვერც ერთი ფაბრიკა-ქარ-ხანს ვერ ატდა გაფიცვას. გაფიცვებში ეველა მუშების ერთ ნახევარზე მეტმა მიიღო მონაწილეობა, ზოგიერთ ფაბრიკა-ქარ-ხანში ორ-სამჯერ მოხდა გაფიცვა. თუ გვინდა გავგეოთ 1905 წ-ს გაფიცვების სიძლიერე, ის უნდა შევადაროთ 1894—1904-დე მომხდარ გაფიცვებს რუსეთის და დასავლეთ ევრო-პაში. 1905 წლამდე საშუალო ანგარიშით წელაწადში იფი-ცებოდა 098‰ ფაბრიკა-ქარხნისა და 2,7‰ მუშებისა. 1905 წელს-კი მონაწილეობა მიიღო გაფიცვაში 93,2‰ დაწესუ-ლებისა და 163,8‰ მუშებისა. ამ არა ჩვეულებრივ გაფიც-ვათა ტალღების ახვითობას განცვიფრებაში მოგვყავს სტატის-კოსი, რომელიც შენაშნავს, რომ ეს გაფიცვება უმაგალითოა არა თუ რუსეთისა, არამედ მოელო ქვეყნის გაფიცვათა ის-ტორიაში. რუსეთის 1905-ი წლის გაფიცვათა მოძრაობამ სუთჯერ გადაჭარბა ამერიკისა, გერმანიისა და ათჯერ საფ-რანგეთისა. გაფიცულ მუშათა რიცხვმა რადენობით ორჯერ გადაჭარბა შვიდ მრეწველობით ეველასე განვითარებულ სა-ხელმწიფოს იმ მუშათა რიცხვს, რომელნიც 1900 წ. გა-ფიცვაში იღებდნენ მონაწილეობას.

ბევრ გაფიცვებს მიზნათ ჰქონდათ განსაკუთრებული დე-მონსტრაციული გამოსვლა ხსენებული წლის ზოლიტიკურ ამბების გამო და არა ეკონომიური გაუმჯობესება; ხშირათ კი-წმიდა-ზოლიტიკური მოთხოვნები. საუურადღებოა აღვნიშნოთ ეკონომიურ და ზოლიტიკურ გაფიცვათა ურთიერთობა. მთე-ლი გაფიცვების ნახევარი ეკუთვნის ზოლიტიკურ გაფიცვებს, ხოლო 70%-ი წამოყენებული აქვს როგორც ეკონომიური, ისე ზოლიტიკური მოთხოვნები. მუშების სასარგებლოთ გათავ-და დასაფლობათ 70%-ი ეველა გაფიცვებისა, რომელშიაც მონაწილეობას იღებდა ეველა გაფიცულ მუშათა 70,6%-ი. მოგებულ გაფიცვათა ასეთი ზრდენტი არ უნახავს არც რუ-სეთს და არც დასავლეთ ევროპას.

ბევრ გუბერნიებში მიიღო მონაწილეობა 75,0%-ზე მეტ-მა მთელი მუშებისა, ლიფლანდიისა, პეტროკოვსკისა და თბილისის გუბერნიებში-კი გაფიცულების რიცხვი აღემატე-ბოდა 90 % ეველა მუშებისას. ასეთ გაფიცვებს არ შეიძლე-ბა უწოდოთ ხელოვნური გაფიცვა. ეს არის ს ღებური გაფიც-ვა და მისი ჩაქრება არ შეუძლია ანაგითარ რეპრესიებს. 1905 წ. გაფიცვების გამო მრეწველობის ზარალი უდრის 125 მი-ლიონს, მუშების კი — 17 1/2 მილიონს.

სასტვარგარეთ.

სპარსეთი. ამ უკანასკნელ ხანებში საშინელი ამბები მოაქვს დეშეშებს სპარსეთიდან. რუსეთის ყველა გავლენი-თითქმის საფსკე შემაძრწუნებელი და აღმამფრთხიელი ცნობე-ბით იმ პარზაროსულ სტენების შესახებ, რომელიც ღებოდა თეირანის ქუჩებში. დაბეზავებული სპარსეთის საწყალი ხალხი

